

四庫全書

史部

欽定四庫全書

馬政紀卷七

明 楊時喬 撰

擠乳御用上陵出府併附給驛馬七

此馬之出於太僕寺者舊

例擠乳御用上陵三項皆御馬監馬近日始取諸太僕寺

會典擠乳者以供內府膳羞御用者以供御用上陵者以駕謁陵此二者祖制皆係御馬監所謂內廐者後或取諸太僕寺而內廐為徒設又厯支草料無所節止不

能查覈如先朝舊章可謂冒濫之極矣是在明良在上
為國為民裁節之爾若出府者以特頒給驛者以邊報
皆當然者紀擠乳御用上陵出府給驛馬七

擠乳馬

附乳牛酒醋
局拽磨牛驢

會典太僕志凡壩上諸馬房各有乳馬以供上用膳羞
如有老疾倒死兵部奏行太僕寺撥補永樂間每歲於
陝西茶易馬及孳生馬內選取堪中騾馬送御馬監分
送各馬房領取乳

天順元年歲選孳牧騾馬

成化九年定取初生騾馬

弘治九年奏准歲取五十匹遂為定例於保定等十四府俵解送監領牧取乳應用

成化二十三年該順天府宛大二縣奏兵部題覆照得順天府宛大兩縣俱在附郭凡百徭役最先且急其光祿拽磨驢頭俱於寄養人戶選補係在常賦之外委的民情不堪行令太僕寺轉行順天府將光祿寺前項拽

磨騾九十一頭量州縣寄養多寡均搭自弘治元年為
每三州縣供應一季俱要預先刻期交替果有倒失養
戶埋葬賠補一季滿日見在者照舊原主領養題奉欽
依行

嘉靖五年議准凡內府供應乳牛每隻連犢打價銀六
兩解部轉送光祿寺收用

嘉靖八年議准凡御馬監脩用羸頭每頭定價銀七兩
順天府派取送部發太僕寺收貯聽其支取自行收買

又御馬監供用庫酒醋麪局合用驢頭牛隻遇有缺少
度損開數奏行到部行順天府於所屬州縣照數派取
送各監局應用其不堪牛驢領出發屬收養

嘉靖四十四年議准御馬監驢每頭價銀捌兩五錢供
用庫酒醋局牛驢每隻頭價銀一十二兩免派民間動
支太僕寺馬價欽各用縣收買解寺轉送又議准御
馬監酒醋局各用牛驢仍解本色准供用庫改解折本色

該本年御馬監欲乞增價本部欲行給銀該監自買該
監不從隨該本部議得案查牛驢先年原係十年或七

年召買一次所買或半或三分之一必甚不可用乃間買補該監於萬歷七年題准五年召買一次且為全給十六年該御馬監再請本部查照戶部題覆給事中張世則條議將銀起解該衙門聽其自買如該衙門難於自買行順天府委的當人負買完交用隨為事例十八年又請該本寺署事少卿常題如前例又據順天府呈部稱收買牛驢原係二十七州縣公務煩擾小民在各州縣固所當恤而以各州縣之事專責兩縣得無偏累切謂照畿輔召商一節如有利則商人不召自集無利則疏內所稱攬頭如王大華等亦不肯從况商人原非兩縣所轄彼安肯帖然就役耶一牛一驢價十二金豈曰難辦顧買辦非難而該監需索為難且數至管馬之丞將安賠抵等因隨據兵部議覆查得內府供應多用召商之法蓋惟召商收買則民困始得甦息又必議價從寬則商人始肯樂從先年牛驢每頭議價十二兩盤費使用俱在其中未為不寬惟包攬乘愚民之易騙而復

假鋪墊以多索賠累不貲在民不敢言在官不復問也
於是仍行順天府轉委宛大兩縣能幹官兩員赴太僕
寺領馬價銀其原價一十二兩外量加二兩俱給殷實
商人召買陸續徑解內庫應用若該庫牛驢如遇老瘦
不堪送部劄寺行宛大兩縣縣丞赴庫領出變
價仍解本寺常盈庫貯庫以後為例不許再行

御馬監馬

此即內
廐者

會典太僕志載大駕鹵簿儀仗郊祀上陵其陳設鹵簿
儀仗係車駕司會同錦衣衛其郊祀上陵並同太僕志
曰外廐則太僕寺內廐則御馬監馬皆不聞於太僕而
御馬監之馬則先朝遺有種馬孳牧生駒又入進貢馬

慶賀馬歲嘗足用未有取於太僕寺者舊制本監有科道官巡視印烙與太僕寺印烙巡視並同

正德十六年

嘉靖元年行罷不一在先朝皆意旨淵微深長有未可以一時一人遽變者

弘治四年戶部尚書葉淇應詔陳五事其一論御馬監內外二十四馬房通用料二十四五萬草八百萬皆民膏血而所養馬多老羸無用自今遇有進馬命選年齒

中度者收養仍歲差官揀不堪者賣銀以入內帑則馬皆可用而草料不致虛靡

嘉靖元年登極詔在內御馬倉天師庵中府二草場在外壩上十九馬房倉吳家駝裏外牛房司牲司司牧局今年糧料草束於原數減半坐派以蘇山東河南北直

隸民困以後巡視科道官覆實會計以免冒濫

於是戶科給事

中沈漢等奉命以行尋以御馬監太監閔洪言內廐及各馬房永樂以來無科道官查點遂命罷之漢等因言近自武宗之廟逆瑾擅權各馬房倉場額外多添內臣弊端百出以巡視官不便於已故提督太監梁潤奏武

宗羅查點給事中御史自是馬政日壞戶部不聞馬數止憑派定糧料錢糧多入私家馬死而幸存者亦羸瘦不堪求如祖宗之時之盛不可得也茲者閔洪之言實梁潤之故智不意陛下誤聽之輒欲中止先帝一十六年天下事始壞於劉瑾再壞於錢寧而大壞於江彬陵夷至於不可收拾推究其本皆原於命令不行刑罰不信故權奸無所畏而為之耳今陛下入繼大統勵精更化天下皆欣欣焉以為可復觀唐虞三代之盛今未數月事體漸更誠不可不謹始圖終以重失天下仰望之心也

萬曆十四年兵部為恪遵明旨議停濫討寺馬以復祖

制本年該兵部尚書張題覆為御馬監太監高相等題討馬匹又該兵部科署科事左給事中王三餘等題止前馬等查得大明會典內止開本部每歲於北直隸保定等府派取乳馬五十匹驗送御馬監擠乳以供膳羞

之用自永樂至嘉靖中並無開有該監討馬事欵此我
成祖文皇帝開創之明例當萬世恪守也至嘉靖四十
五年兵科題叅太監王偉違例濫討寺馬乞勅司禮監
會同本部備查該監馬匹錢糧數目并今討補曾否有
例查明奏請仍令巡視科道官每年查照馬匹草料若
干務要明白追究下落著為定例題奉欵依以後不許
朦朧奏討自取叅究此我世宗皇帝嚴禁之明旨所當
萬世恪守也萬歷七年十二月內該兵科題叅太監張
誠濫討寺馬乞要斷自今日諸凡法駕扈從盡用該監
馬匹以後遇有老損仍要將草料住支不得以太僕寺
馬抵給奉旨卿等說的是但朕將有事山陵該監馬匹
偶缺准量給一千五百匹以後不許再討欵此是我皇
上裁革明旨炳如日星中外臣工所當恪守者也今該
監太監高相等又題請要討太僕寺馬三千匹臣等查
得該監所收各處貢馬歲額甚多又益以隆慶元年萬
歷三年七年三次例外所討寺馬至於六千既無征調

騎操何為槩稱缺乏蓋增馬一匹則增一匹草料增馬三千則增三千草料馬愈多而銀愈多情狀易見及查戶部每年支放該監草料歲費銀一十二萬餘兩每年俱全徵全給毫無拖欠使不通同商人高估價銀侵費冒耗盡以芻豆朝夕餵養則天閑良驥雲錦成羣何至於減損缺乏雖年久不免老瘦亦宜明開的數奉請酌量補給合止求增馬而不言老損開除之數止言馬少而不言扣剩草料之數不知管牧人負所司何事該監何不不一查究耶太僕寺馬匹專備在內三營在外薊密等鎮不時請討臣等恐將來不繼每年允給各不過一千餘匹允給之後倒損者即在本軍名下查扣草料追椿銀入官仍并將官計分數題叅罰治今該監馬匹支草料則分厘不少問馬數則多寡不知其老損開除者亦無人查究下落法行自近而中外不平如此何以服征操軍士之心今又增討三千計馬一匹民間費銀三十兩馬至三千費銀九萬兩而起俵寄養草料所需猶

不在內皆閭閻小民之膏脂也若如數給與不惟免軍之馬漸乏而一自入監之後則民間九萬餘銀俱付之無用矣伏乞皇上仰思祖制脩察臣言將監今討馬匹緊悉從停止仍勅該監將見在馬匹嚴督管領人負用心餵養如例損數多雖不能如營軍盡法處究亦宜少示懲責以儆將來其該監見今所養馬匹及草料出入額數年久未經清查合候命下本部移文巡視科道會同該監及戶部委官將在監馬匹備細清查原額若干每年續收進貢馬若干即今實在若干老弱倒損應補若干備細開揭進呈御覽仍造冊送部以後每年終俱照各馬房事例一體遵行

上陵馬

宣德元年至

嘉靖十九年恭遇聖駕謁陵郊祀各監局及各衙門隨從騎坐馬匹俱御馬監應用未有取寄養馬者萬厯某年該監題請取寄養馬該兵部題寄養馬匹原為給軍騎操今借取騎用原非舊制既兵馬題為懇給調用馬匹草料事劄行本寺調取寄養馬三千匹以備內府各監局及各衙門隨從之用又慮馬戶恐有被調不能全來或臨時騎損換給不敷預備一千五百匹令隨至昌平州等處以備諸隨從騎損更換竊惟寄養馬匹原

為給邊軍今借取騎用蓋非得已兼以各州縣遠近不齊承調馬戶勞費不貲其應用草料向未議給遂致餽養無資損傷相繼漸虧軍需况各離家而來又非住家可比酌議每馬一匹量給草料銀三錢先期公同巡視科道於本寺庫貯馬價銀內照數兌出行委順天府管馬通判及宛大二縣管馬縣丞遇馬到日照數唱名給散若有不到名數則為扣銀還官貯庫待事畢之日造冊送兵部科道本寺查考本部見行事例凡上陵馬

有調充至京倒死在途者有未至京比出差倒死在途者
有雖調至尚未點過者有至陵走失者有回家倒死者
各追皮張肉臟及或今買補或令追銀買補等項遞年

酌情議法不同各隨時裁行

一以上陵之日為始出差
倒死在途者追皮張銀四

錢回家一月之內倒死者加肉臟銀五錢三月之內倒
者追銀三兩三月之外倒死者追銀五兩如買補一次
者三兩減作二兩五兩減作三兩以四月之外五月之
內為率凡倒死者免罪買補一調至京未出差倒死在
途者追皮張肉臟銀九錢回家一月之內倒死者追銀
三兩三月之內倒死者追銀五兩三月之外倒死者追
銀七兩如買補一次者三兩減作二兩五兩減作三兩
七兩減作四兩以四月之外五月之內為率凡倒死者

免罪買補一調到京未出差在途與回家倒死者追銀之倒似屬太輕今議亦以上陵之日為始無分魯否撥差但未經上陵倒死在途者追銀三兩回家一月之內倒死者追銀五兩三月之內倒死者追銀七兩三月之外倒死者追銀八兩如買補一次者三兩減作二兩五五減作三兩七兩八兩俱減作四兩以四月之外五月之內為率凡倒死者俱免罪買補一雖經調到京無分魯否點過但在上陵之日先期倒者原無弛驅勞損俱係各役不用心餽養所到仍照在家倒死事例買補但不計年月久近俱免究罪少示寬恤一上陵走失之馬若比出差倒死之例亦屬太輕撥情皆因馬戶不行着守所致合無比照未出差在途倒死之例追銀三兩庶情法得宜萬歷闕年該本寺題凡上陵馬借用寄養馬每匹給銀三錢本寺差官于昌平等處給散以為餽養之資

親王出府馬

會典關馬一百匹及倒死補給例於太僕寺寄養馬內
選取送御馬監印烙給軍衛護

給驛馬

嘉靖九年太僕寺卿楊廷儀題准五年一次將順天保
定等府寄養馬有年老骨瘦不堪充俵者所屬州縣不
敢擅自變賣乞勅兵部委官與本寺分巡少卿親詣揀
選病老者賣之其餘存者或發驛作下等馬或發州縣

作甲首馬每馬一匹徵銀十兩以備買馬支用十三年
發太僕寺寄養八十匹給樹河驛一百匹給薊州三河
守備時兵役漸繁馬政久廢不復拘五年一給之例
隆慶五年兵部為衝要邊驛急缺馬匹懇乞天恩照數
補給以便傳報軍情等事議於府州縣寄養馬內取一
百二十匹充給土木榆林居庸等驛缺馬站軍領養
隆慶某年議於各邊鎮給發買馬銀內發銀令各驛買
馬自是不發寄養馬初制監局在禁掖內不以攝太僕

寺是以內外廐馬不相干涉今此紀紀實以故不能紀御馬監事而惟以原係御馬監後忽額外取討太僕寺者紀之是不特不節又從而溢之豈初制則然哉於此一端餘可推已

馬政紀卷七

欽定四庫全書

馬政紀卷八

明 楊時喬 撰

庫藏八

祖宗朝太僕寺惟有馬無銀弘治初始有江南不能種馬州縣折銀解寺建庫時僅三萬餘積至隆慶間有變賣種馬價草料牧地租子粒等銀前臣謂自有銀始則以資團營買馬各邊奏討買馬自有銀積則以修繕給賞等

項他用凡銀即馬也用銀即用馬也即各邊奏討公支且不可繼況他用乎是在籌國之大計者謀之矣紀庫藏八

太僕寺之常盈庫自成化四年建成化八年太僕寺卿牟奏本寺官庫收貯江南備用馬價銀見在三萬七千四十餘兩比照太倉官庫折收糧價事例欲設官攢庫役兵部議不行止許庫役四名於保定河間僉點送寺遇有事故更替仍於原僉州縣僉補弘治二年少卿彭奏始設大使一員攢典一員嘉靖十三年建新庫自建

新庫老庫不開四十五年太僕寺卿苟奏開舊庫發藏銀併之新庫老庫仍扃鎖不開續增至庫役十八名軍人一百名太僕志曰祖宗時不置司庫蓋時寺額主馬而積銀少也弘治初始置官吏豈非溢於前耶庫金日羨而馬日羸矣議者又言徵銀便如是不已幾無馬矣夫謂積銀以市百萬之騎可立致則內藏之銀猶外廐之馬也是不然往者常損金以購馬當時猶謂擾民而不可行一旦倉卒括民間馬可得耶如倉庾無積穀而

黃金珠玉饑不可食也冀北之馬稱天下今民歲俵馬
往往市之他郡所謂外廐者果安在哉而邊兵之求索
無厭涓涓之流不足以盈尾閭之洩是不可不為之長
慮者也

收貯銀

此銀之入於
太僕寺者

一歲解折徵買俵本折馬銀

自種馬盡賣每歲各州縣
照舊派買俵本折馬二萬

五千數徵銀或丁或糧各地方不同舊係本色者徵三
十兩係折色者二十四兩自每年派買本色另解外其
銀俱以二十四兩解寺南直隸並同惟抵發薊州馬一
千匹或要折色則兩直隸共湊足千匹以三十兩解寺

轉發

一折徵種馬草料銀

自種馬盡賣每歲各州縣將原額種馬十二萬每匹或丁或糧各地

方不同徵草料一兩解寺兩直隸並同以上或係各中間有續後乞免出裡馬者至今不沐府類解或各

州縣徑解不同各從舊解南直隸八府亦係各府州縣類解其未解或違限拖欠者本寺每歲終具呈兵部奏

請行南太僕寺催解

一京營子粒銀 一各衛子粒銀 一各州縣地租及

餘地銀 一南直隸各府子粒地租銀

以上牧地養馬徵本色者自牧

養廢一切徵銀各不同其內有係京營者有係各衛專解太僕寺者其在京營者專備五軍等置造金鼓旗幟

欽定四庫全書

卷八

其在太僕寺者專備買馬支用其實在團營每年實徵銀不過一萬一千有零而已今屢年請加近日益至三萬有餘猶且奏求不已蓋當事者不知其初數故輒加至此使其知數少而用過豈肯如此其屢加哉萬歷二十二年兵部為條議京營要務以振神氣以備緩急事內稱該劄請閱視京營科道題前事欲加銀萬兩以為操練賞賜之用行本寺查子粒歲收若干見今庫貯若干今如增支一萬計除該營各項公用足否議明等因隨查得本寺每年額徵京營放牧草場子粒銀一萬一千六百九十一兩一錢五分四厘九毫各衛孳牧馬草場子粒銀二萬一千五百一十三兩七錢八分五厘四毫零共銀原各不同在各衛者乃其孳牧養馬之需原與京營無干亦非京營所當混支者乃近歲以來混稱子粒未嘗分別是以京營每以此藉言混求日加一日至今未已今查得每年京營額支子粒造辦金鼓旗幟犒賞四季軍伴春秋二操打水共該支銀三萬一千五

百四十二兩二錢五分近年又動支子粒建造車房三
眼鎗撫賞官軍共支銀五千六百四十八兩九錢八分
二項通共每歲該支銀三萬七千一百九十一兩二錢
三分以京營所入本寺常盈庫者實一萬一千六百有
零今計其所出不下四萬之數甚為浮額今若議增就
為定例況前項年例俱係京營支用尚且不敷安能議
增又照賞賜為練軍首務必須於前項所支年例銀內
量為節省庶以此節省移為練賞之用乃為委曲通融
之法有如前項例不可減省欲行別圖另處則本寺銀
兩各有正支非所能議也續該兵部議處逐年將前年
例銀用有剩外每年量減六千於是京營
子粒加至數倍不得不動支及於馬價矣

一椿朋銀

二十九年題今後各營遇支放糧草束折色
時預將應出朋銀官軍姓名并朋銀數目造

冊送部轉送戶部照數扣除有餘方行給散不足下月
補扣其扣過銀兩戶部印封送部轉發太僕寺收候買

馬支用 凡椿朋銀兩椿謂之椿頭以倒失馬主言其
馬主係都指揮者出銀三兩遞減至指揮千百戶鎮撫
旗軍各減五錢有差走失被盜者各加五錢謂之椿頭
朋者謂之朋合照各營馬隊官軍貼助者言又令各營
馬隊官軍每歲朋合出銀歲以六個月為率每月都指
揮指揮出銀一錢千百戶鎮撫七分旗軍五分遇馬倒
失貼助買補在外各邊悉照此例貼銀謂之朋合者合
助椿頭買馬以官給言弘治六年奏准各營朋銀買馬
不敷每歲馬一匹聽支草場租銀三
兩貼助即行買補此例見今不行

一附寄班軍銀

山東河南中都等部司每年春秋二班
赴京上班做工其行糧銀該衛解都司

支散如到遲即將糧銀解兵部發本寺寄庫候本軍到
日領散內有病故不到及到遲罰工銀照數扣除聽職
方司動支給散
挖河軍伴等費

一附寄缺官銀

各省缺官扣除柴薪俸糧解部發寺各堂并主簿廳及各衙門添註官員隸役

工食俱於此內支領

一變賣種馬銀

隆慶二年半賣種馬價有司議五六兩多則十兩解寺入庫後有徵解有未徵

解者有官入肥已者重累民賠納者既盡行蠲貸萬
歷九年盡賣種馬當初議上等無過八兩下等無減五
兩孳駒已報在官其種馬堪賣者收駒給賞馬戶不堪
賣者將駒一同變賣轉價馬戶有逃故種折者審實免
徵逃移復業種馬猶存者照下等馬價減估以上二次
將舊制種馬駒馬十二萬盡變賣為銀是故銀即馬用
銀即用馬也乃二次種馬銀今已陸續為各邊鎮買馬
修城東西征討用且殆盡查舊庫數少新庫數多今新
庫者既殆盡則舊者是惟不動動即若滄海之洩於漏
卮其能存乎過當事輒恃以謂縱多費尚可賴此此特

居常則可有時而有事在前既無馬又無銀如所謂黃金珠玉不可得而食者是不可不重為早處也

給發銀

此銀之出於太僕寺者

一給各邊鎮銀

祖宗朝原未有銀自成弘間改折馬銀至正嘉間陸續奏討及隆慶四年至市

給銀為市本後遂為定例十餘年間歲一給發者為年例買馬銀間或奏討者加給不同又近日有所謂戶七兵三銀又有請為修城者皆近日邊鎮多事之後與兩賣種馬之後見有積銀如此也每當解發兵部題奉欽依差官行文本寺會科道兵部委官監視少卿提督庫藏寺丞面給解官費送各邊其屢奏俱在各邊鎮奏討銀買馬原無定額惟日見加增爾故不款列

一賞賜銀

祖宗朝戶部歲進金花銀兩入承運庫以備賞賜之用順天等府歲恭進子粒銀兩以備

不時之用未有取馬價銀者取馬價銀為賞賜近日始有之萬曆十二年為欽賞遼東瀋陽撫順等堡有勒索地方獲功官旗頭目軍丁共闕銀八萬二百七十五兩奉旨這賞功銀兩着兵部暫於馬價銀內照數給發該兵部題查得給賞各邊首功銀兩自國初至今二百餘年俱於內庫闕領一以示朝廷藏富之不一以示內府匪頒之殊錫俾將士仰感特恩奮身血戰祖宗所以為禦敵防邊謀者用意甚為深遠自萬曆九年欽賞遼東鐵嶺等衛獲功官軍始在太僕寺取銀三萬八千三百七十五兩十一年欽賞孤山堡等處獲功官軍又取三萬二千二百四十兩前後兩奉明旨俱因內庫偶值缺乏着暫於馬價銀內支給自萬曆八年以前至隆慶嘉靖以前未有也臣等因明旨一時偶取一次暫止三萬有零數不甚多故將順德意不敢瀆請近日我皇上軫念小民疾苦洞知賦稅艱難供用每事節省賞賜率多裁抑戶部歲進金花銀兩一百萬兩外加進二十萬

兩聞多積有贏餘又與往歲缺乏之時不同況前二次所取總之不過七萬今次給發遂致八萬有餘自今以往各邊獲功者踵至馬價給發者不停偶取者將為常例暫發者遂為定規既違祖宗不用外帑之舊制且非皇上暫時給發之初心及查太僕寺馬價內以供京營補買之用外以供九邊征討之需比之別項錢糧緩急不同總計每年派徵折色馬價止兩直隸山東河南四處每處不及數萬邇年水旱頻仍拖欠一十四萬四千七百餘兩已蒙恩詔減徵應徵者尚未完解而撫按奏免者復將紛至又查往歲兩遇聖駕謁陵賞賚扈從官軍又陝西賑恤災荒糧餉甘肅撫賞流民遼東買補戰馬共將七十餘萬今年各邊正例市本買馬等銀十萬九千餘兩頃御馬監奏取馬三千匹即該減派折色少徵銀九萬兩歲之所出者已又多歲之所入者已少又少臣等若明知見今黜乏而不據實奏請至將來誤事罪將何辭緣是查遵往例冒昧題請伏乞備查祖宗

以來原無馬價抵賞功之例將前項賞功銀兩於內庫
照數頒給其太僕寺馬價免發仍諭內庫如遇禮部賞
功文到庫遵例照數在歲進金花銀內給發不得再於
馬價內議給庶軍機國計胥有攸賴奉聖旨卿等所奏
朕知道了但今次賞功銀兩數多內庫偶值缺乏暫於
馬價銀內支給萬歷十二年奉旨秋祭山陵賞賜各項
人等着戶部於太倉取五萬兩兵部於太僕寺馬價內
取十萬兩來應用該兵部題查得太僕寺馬價銀兩原
備京邊買馬之用與別項銀兩可以借供御用者不同
故自祖宗二百年來雖有重大經費值內庫缺乏並無
取用馬價之例蓋祖宗知錢糧各有項下既不可紊支
亦因馬價預備買馬征操尤難那借別用皇上試取內
庫先朝收支簿內各數留神一覽則知祖宗節用崇儉
之心防微思患之意誠萬世之所當法者始自萬歷九
年欽賞遼東等處獲功官軍一次取太僕寺銀三萬八
千三百七十五兩一次取三萬二千二百四十兩又兩

遇聖駕謁陵賞賚扈從官軍發銀六萬餘兩目今駕閱
視山陵賞賚扈從官軍本部該出銀三萬兩又該發大
同薊鎮年例市本銀二萬七千兩通計七十餘萬皆近
年之所增用舊例之所本無祖宗之所甚惜者及查每
年派徵折色馬價止兩直隸山東河南四處每處不及
數萬又因各地方災傷拖欠及奉詔蠲免者不止二十
餘萬原非舊例者日益加多歲入本係舊額者日益減
少臣等職司馬政雖係例應支給者仍當度其緩急量
為裁抑況今增額外賞賚之需又取足於馬價本無之
內皇上仰思祖宗愛民惜費之心必有惻然不安者伏
望查遵祖制採臣等所言將今取馬價停止如果賞賚
數多內庫委有不敷亦望量為裁減以後內庫缺乏俱
在額辦衙門取用免再取及馬價則我皇上監憲法祖
之心與謁陵念祖之孝一舉而兩全矣萬歷十三年奉
聖旨閱親壽官賞用不敷着兵部於太僕寺馬價內取
銀十萬兩進來該兵部題查得萬歷十二年九月內恭

遇聖駕親詣山陵舉行秋祭偶因內庫銀兩不敷奉旨
着於太僕寺馬價內取十萬兩應用隨該本部知錢糧
各有項下不可吝支馬價原備買馬征操尤難別用故
二百年來雖有重大經費值內庫缺乏並無取用馬價
之例且近年兩直隸山東河南節報災傷拖欠蠲免不
止二十餘萬况節次欽賞遼東獲功官軍買補戰馬陝
西賑恤災荒甘肅撫賞流民及聖駕謁陵賞賚扈從官
軍已動支過馬價銀七十餘萬皆近年額外之所增者
因具疏懇請停取伏蒙聖旨近日宮中屢有嘉慶賞賚
未行又扈從山陵內外人負舊有賞例內庫委的缺乏
故暫取該寺銀兩應用卿等所奏朕知道了還遵旨行
是皇上洞察該寺馬價銀兩原非賞賜之額故暫取耳
今未逾年又因賞賜復取該寺銀兩應用臣等思得庫
貯有限邊用無窮况薊鎮新復長昂撫賞而遵左年例
買馬及宣大市本銀兩皆一時不可缺者臣等猶度其
緩急酌量題發矧此賞賚之銀原需內庫為暫取之旨

炳如日星費有常經信難更易且水旱頻仍今歲災傷比之往歲尤為特甚而屢蒙蠲免近日所入較之昔日又為不同今數年之內伏聞我皇上念切恤民資從節省內庫所積必有贏餘賞給所需亦不必取諸馬價誠是也伏望皇上將今次所賞隨駕負役酌其定數少為裁抑俱於內庫取給免動馬價如果內庫數委不敷望將所取馬價量行裁減分匪頒有式帑銀可裕而我皇上崇儉之德示信之旨並行而不悖矣奉聖旨還遵前旨行萬厯十四年欽賞遼東開原地方獲功陣亡被傷官旗家丁共闕銀四萬一千八十兩奉聖旨這賞功銀兩着兵部於馬價銀內照數給發今後但遇大捷銀兩數多的着兵部給發不必奏請於內庫以為定例該兵部題查得給賞各邊首功銀兩自國初至今二百餘年一切於內庫關領自萬厯九年以後間或取賞太僕寺者俱因內庫偶值缺乏着暫於馬價銀內給發比銀取給於太僕寺者自皇上始皇上試查隆慶年間至祖宗

朝有此舉乎然前時取給雖非祖宗舊制猶未嘗定以
為例況金花銀兩專備皇上賞賚之需每年進納一百
萬兩後有增至二十萬兩歲入不為不多今不因缺乏
不稱暫給而著為永例使祖宗成法舊典二百餘年凜
凜守之而無踰者一旦廢棄皇上之心何樂有此意必
謂太僕之儲年來稍有贏餘庶幾足以待邊臣之賞賚
乎然臣深憂過計切謂不然查得太僕寺馬價比之別
項錢糧其急萬倍今總計每年折色銀兩兩直隸山東
河南每歲不及分數過年以來水旱為災拖欠數十
一年蒙恩詔減徵十分之三矣御馬監奏取馬三千匹
已減徵折色三千匹矣而十五年銀兩該御史劉霖又
題減其數矣往歲謁陵賞賚陝西賑荒甘肅賞民遼東
買補戰馬共發過銀八十餘萬兩各邊年例市本每年
二十餘萬毫不可少今歲之所入者日少於前而歲之
所出者日增於前前以太僕為例而賞邊功則邊功年
年常有而寺儲立見其盡欲國不告急不可得也且皇

上富有四海中外之財莫非其財但當籌其緩急又何分於內外故與其藏富於內而不以勵將士之心孰若厚儲於寺而足以備國家之急又使萬世聖子神孫恪守祖宗舊典無謂更易成法自皇上始豈不為得耶伏願皇上惻然深思收四成命將太僕寺馬價免發仍於內庫頒給以後如遇欽賞俱於歲進金花銀內給發則我皇上崇儉之德納諫之明光於天下萬世矣奉聖旨大捷原不常有這賞功銀數多內庫支給不敷故於該寺取用今後萬兩以下的於內庫關領萬兩以上的還遵近旨行萬歷二十二年該本寺卿楊題議存留馬銀本寺原無庫藏自成化間始有正德嘉靖間始將種馬買駒銀貯庫皆未多也隆慶萬歷間兩賣種馬始多乃貯庫二項一即變賣種馬改折地租子粒三者皆係買馬一即京營子粒班軍銀專供五軍等營置造金鼓旗幟買馬修城總之皆戰守計爾今查前自正德至萬歷初存留及賣種馬者不言外自五年至舊年冬末共貯

庫二百五十二萬七千零前年七十餘萬舊年五十餘萬而前舊二年至今正京邊年例東西征討各部借請共出三百九十萬零總計二十餘年所積今支發將竭正月內兵部劉為欽奉聖諭皇長子行預教禮取銀十萬兩該臣等呈請馬價已竭惟前所謂草料銀係五軍等營及年例之用不宜輕動一那動後日緩急無能卒辦欲請停止則以大典不敢有違據兵部再劄權借訖顧年例有額前拖欠今年災重未必完納矧皆生民膏脂適民窮財盡之時不早為樽節愛養若有他虞竭庫而取不足以應強自加賦民間必不能勝諸臣必不忍議也此存留之議也

一詔不許馬價賑濟

正德七年都御史張縉題留馬價賑濟兵部覆查得太僕寺常盈庫

收貯遞年馬匹馬價原有一百萬餘兩正德五年至今其用過銀七十八萬八千餘兩見在庫銀不多即今地

方多事設法措置差官買馬尚且不敷無從處置難以准留別用為照即今各處地方盜賊猖獗或用征進及各處該解俵馬匹又皆存留免解全革太僕寺官庫收貯價銀支給收買應用見今本部及本寺奏差負外寺丞等官十餘員分投在外設法買補尚不勾用又況本寺原牧馬價動支數多在庫數少所據前項馬價相應起解以備買馬允給難准存留萬歷二十二年河南山東荒議請留本地地方馬價賑濟本處俵馬饑民本寺覈議回部行有馬地方准留馬價其餘不得一槩混發以此為之定例不許再行瀆擾按攷之祖宗

朝不發馬價賑濟者非不恤荒也兵部太僕寺執奏不發者非有司出納之吝也以北直隸首為畿輔重地山東河南為匡襄巨鎮凡此所解本色俵馬折色銀兩皆

民之脂膏當於荒旱日酌量如在有馬三省則為剥膚之傷如在無馬他省則為震隣之警原自不同果在三省則當以其所出之脂膏還治其心腹如別舉以賑濟他省是剗心頭之肉以補脚下之疥是為顛置亦非重本安內之圖是以歷朝為然近者有見不以賑濟即議為非未知此也若在三省減其本色之數免其蠲貸之舊又發其所入之帑藏以還治即所以賑發矣豈容別發議者宜知此意

法馬

該本寺題書同律度量衡關石和鈞謹權量今之所謂衡石鈞權者凡官民法馬鼎秤暨太倉太僕

各庫藏銀秤皆是也總之謂權然後知輕重而輕重準以律律取諸黃鍾以秬黍實龠為銖兩石鈞至平至中者是也帝王必於是準之者以財幣天下公共通融之物周禮名泉史遷謂欲行如流水是也乃財幣中惟銀最廣而法馬鼎秤所以流行於上下彼此往來出入之間者苟輕重不一則有所偏滯壅塞而不得相濟非泉矣我聖祖稽古以律較若畫一鑄造頒給官民並同民有私重者即以官府者較而罪之着為律例萬歷四年工部因議者另造新法馬頒式各省鑄給州縣於是太重部文行令將舊者銷毀而州縣實留之於凡收納皆新者自分至於錢至於兩之上積少成多由重加重民間皆以重收為苦於凡解發惟上京省用新者凡給發下役仍用舊者民間人有二馬之議且各省鑄給時大小數十又循環兩副不能皆較若畫一類多私重難以

盡言此在富民交納且強若小民力役終歲僅得分錢
盡取安能無怨有司又指給自部省為諭近科臣葉初
春題請新比舊每兩重一錢二分百兩重一兩二錢總
天下錢糧何啻萬萬是每歲增重一百萬兩陰耗民財
羨歸吏索名非加賦實則加之請將銀庫法馬更較量
與民間相同通行示信而已部覈查亦謂有增重三四
錢者乃部覆奉欽依各該牧放錢糧務要兩平秤兌這
法馬頒降日久不必另鑄紛更近巡撫魏允貞奏稱郎
中劉允積羨自潔謂各府用新法馬分司用舊法馬新
舊不同因有積羨據此益見新馬止用解京省而給發
於下未用重收輕發甚非政體天下皆然且增重積羨
皆民膏脂豈容不早為議處嘗以新舊法馬與民間常
用蘇州廣東法馬較之惟舊法馬與蘇州者相同蓋自
聖祖頒給時蘇州為法馬家製造自一分至百兩輕重
皆遵定式且原各處舊法馬實未銷毀即或毀而蘇州
者天下市行取而較用不待製造或謂此處新者稍輕

要之出入一馬以此收納即以此給發於下以此上解京省凡京省給發亦惟官吏俸廩商民貨買軍衛月餉各役工食之類而官吏商民軍衛各役亦即所給發者為上之交納下之用度來而為入往而為出在彼在此輕則皆輕重則皆重酌於輕重之中寧輕勿重庶即輕之所餘擴為日用則銀在天地間不過此數以所擴充者日見有餘是為通融如流泉之謂也天下望此日久乞勅下該部早為復舊不拘前議斯政體一民望慰矣顧外州縣多不用法馬而用昂秤低昂在手吏胥又故意昂重奉官虐民況此外加耗日重屢奉禁例未嘗改正此在撫按嚴查叅寃實安民生肅吏治大務也再照本寺收發皆卿丞科道兵部司臣面同舊規發二千兩兌四馬為一秤各邊收亦如之近各邊有以五百兩而為一兌將發去二千分肆兌未免叅差貽疑解官請勅下兵部咨行工部仍造五百兩馬四枚發本寺較同後發各邊仍令各邊俱照本寺二千兩一秤乃為平為便

馬政紀卷八

欽定四庫全書

史部

馬政紀卷九至十二

詳校官編修臣溫汝适

編修臣程嘉謨覆勘

總校官檢討臣何思鈞

校對官中書臣李斯咏

謄錄監生臣蕭準

欽定四庫全書

馬政紀卷九

明 楊時喬 撰

蠲恤九

高皇帝奮武淮甸一戰成帝業天下甫定四方未靖屢
詰戎兵乃于歸馬滁陽建太僕寺設牧監專理民馬凡
種兒騾起于丁田設有定額其倒損虧失遇赦不宥者
以經制初立專官孳牧馬數簡少其不宥者時所宜也

誠以兵資于馬嚴馬政將以衛乎民也夫皇帝振武燕
薊從齊魯度淮揚下金陵日率諸方兵馬數戰親見其
勞馳踐祚初遂下蠲貸之詔亦時所宜也誠以馬出于
民寬民生將以裕乎馬也歷聖俯從諸臣之議深知官
多民擾馬數漸增法令亦繁則又不得不頻為蠲貸赦
宥者如駒馬倒失之類是也而亦有不畧蠲免赦宥者
額馬孳牧之類是也誠以馬政民生兼之重馬所以足
國衛民所以安民也亦時所宜也此非初嚴而後寬也

書曰道有升降政由俗革是乃蠲恤之大凡也攷之會典未載兩太僕志有之太僕志內所載一詔赦一被災一被兵一停候追捕一改折色一免差官印騎各款分

書令敘年紀之如此紀蠲恤九

洪武三十五年七月初一日詔山東北平河南

府州縣人民有被兵不能種田者並免三年差稅不曾被兵者與直隸鳳陽淮安徐州滁州揚州軍民所養馬匹牛羊等項倒死并欠孳生者並免追賠永樂二年三年詔各處軍民有為事追賠孳生馬匹受府逼迫不得已將男女妻妾典賣與人以致流離困苦莫能自存者官司即為贖還毋得托故延緩如子女年長已成婚者不在此例今後倒死孳生馬匹只照洪武年間例追賠
洪熙元年詔各處孳生馬騾牛羊等畜及北京所

屬衛所見養永樂二十年征進所獲牛羊自洪熙元年六月十二日以前倒死者悉免追賠其征進所獲牛羊今後只令軍衛有司自行題督牧養原差去管養官員人等即便回京毋致重擾軍民宣德三年詔自宣德二年十一月十五日以前及民間起解備用馬匹中途瘦死各處追賠孳牧虧欠倒死馬騾驢牛羊等畜官軍騎操領養馬騾驢牛羊隻倒死者盡行蠲免宣德五年詔宣德三年以前官員軍民有倒死官馬騾驢當追賠者及軍民有虧欠孳生馬匹者悉免追賠宣德七年詔自宣德五年以前軍民有拖欠種馬當賠償而未賠者如係秋收冬收去處許令納米賠償每馬一匹納米十石就於所在官倉交納不係豐熟去處聽於今年秋收後納米賠償宣德八年詔各處都司衛所并各太僕寺苑馬寺該道倒死虧欠孳牧馬騾牛羊驢匹但係宣德七年十二月以前者悉皆蠲免宣德十年詔各處孳牧馬騾驢牛羊等畜及北京河間保定等處軍

民見養征進所獲牛羊令衛所有司提督牧養原差去
管養內外官員人等即便回京毋得托故在彼生事重
擾軍民 正統四年詔倒死馬駝騾馬牛羊及虧欠馬
騎孳生等畜悉皆蠲免 正統六年詔自正統六年十
一月以前軍民一應倒死虧欠及被盜走失孳牧寄養
長生騎操等項馬駝騾驢種馬馬駒牛羊猪牛犢等畜
悉皆蠲免 正統十一年詔南北直隸并各布政司去
歲被盜去處軍民倒死虧欠被盜走失孳生寄養長生
騎操等項馬騾牛羊等畜俱候秋成買補 正統十四
年詔正統十四年六月二十一日以前凡軍民一應倒
死虧欠及被盜走失孳牧寄養長生騎操等項馬駝馬
牛王馬馬駒牛羊猪牛犢等畜悉皆蠲免 景泰元年
詔各處騎操孳牧馬騾牛羊先被達賊搶虜已行奏告
未除豁者悉與蠲免其先不曾經奏告者不在此例景
泰元年詔正德十四年九月初六日止順天并直隸各
府及山西布政司所屬凡有一應倒死及被盜走失孳

牧騎操等項馬駝驢驘種馬馬駒等畜悉與蠲免景
泰七年詔各營并各軍衛有司原寄養騎操孳牧長生
脚力等項馬驢驘但有虧欠倒死走失未曾買補還官
者悉皆停罷免其追賠天順元年詔自景泰七年十
二月終以前在京各營在外各邊及各處軍衛有司原
養騎操孳牧并種馬馬駒一應倒死虧欠走失被盜并
查出埋沒及連年起解拖欠等項盡行蠲免天順元
年又詔自天順元年七月十二日以前令各處軍衛有
司原養孳牧馬驢驘牛并種馬馬駒擠乳牛隻等畜一
應倒死虧欠走失被盜并查出埋沒及連年起解拖欠
等項者盡行蠲免天順五年七月初二日以前一應倒
死虧欠走失被盜等項盡行蠲免天順七年自三月
初一日以前在京在外軍民騎操孳牧原寄養馬匹
種馬馬駒一應倒死虧欠被盜等項盡行蠲免天順
八年詔自正月二十二日以前在京在外軍民騎操孳
牧原養馬匹種馬馬駒一應虧欠走失被盜等項悉皆

免追 成化元年詔南北直隸并河南等處但係災傷
地方凡倒死走失被盜等項一應該追孥牧騎操馬匹
所司曾經具奏者俱停候次年收成追補還官今後各
處孥生種馬三年收用一駒永為定例 成化元年例
該印記種馬本年八月十六日兵部備由具奏奉旨這
養馬地方多被災傷百姓艱難且不必差官印記馬匹
待下年一發印記 成化四年詔自本年九月二十六
日以前南北直隸并山東河南被災去處軍民孥牧寄
養馬騾驢併駒倒失被盜虧欠等項不能賠償者所司
查勘明白悉與宥免 成化六年詔自本年八月初一
日以前在京各營在外各邊騎操馬匹并順天南北直
隸河南山東被災去處軍民孥牧寄養馬騾并駒一應
倒死虧欠等項并有例停候買補及遇倒失漏報者所
司查勘明白悉蠲免 成化七年詔自本年十一月十
五日以前各處官軍騎操馬匹并軍民孥牧寄養馬騾
驢牛一應倒死已報在官者悉皆蠲免虧欠馬駒每四

匹折買一匹其先次查出漏報折買者不在此例 成
化九年詔自本年四月以前各處司府衛所被災去處
一應寄養孳牧騎操馬騾驢牛倒失虧欠被盜等項已
報在官例該追賠并先次停止折買未完者盡行蠲免
如已徵價值在官不在此例其走失被盜馬匹日後得
獲照舊還官 成化十一年詔自成化十年十二月以
前在京各營在外各邊及各處軍衛有司原養寄養騎
操孳牧走失遞馬騾驢牛并種馬馬駒一應倒失虧欠被
盜已報在官并查出埋沒等項盡行蠲免 成化十四
年令孳牧寄養馬匹貧難丁少者准免二分該解備用
馬匹未完之數不分本色折色俱停候以蘇民困 成
化二十一年詔前成化二十年以前在京各營在外各
邊騎操馬匹并順天南北直隸河南山東被災去處軍
民孳牧寄養馬騾一應倒失虧欠等項并有例停候買
補皆所司查勘明白災傷重處悉與蠲免輕處自成化
十六年十二月以前悉免追賠其餘停候二十一年夏

秋成熟陸續徵解如或該管上司及各府州縣管馬官吏交通作弊事發皆坐贓罪 成化二十三年詔自成化二十一年十二月終以前在京各營在外各邊及各處軍衛有司騎操孳牧寄養走遞馬騾驢牛并種馬馬駒匹戶馬一應虧欠被盜埋沒等項并有例停候買補者悉皆蠲免若有已補在官者照例起解交收該管人員敢有交通作弊事發治以重罪 弘治十二年南京兵部會奏稱南北直隸等處所養孳牧馬匹弘治五年以前倒失虧欠例追償銀因各處災傷前項馬價虧欠數多以後倒失該追准將五年以前倒失虧欠未徵者暫且停止候豐年另行奏奪其六年至九年倒失虧欠者免追本色每兒馬一匹追銀六兩騾馬一匹追銀四兩每駒一匹倒失者追銀二兩虧欠者追銀一兩五錢解發太僕寺取貯以備各邊買馬支用 弘治十八年詔自弘治十六年十一月以前順天南北直隸山東河南州縣并內外衛所寄養孳牧馬牛驢倒失虧欠等項

該追本色價銀京營各邊官軍倒死騎操馬匹該追椿頭朋銀及各處牧馬草場地畝子粒銀兩除已徵外未完之數悉皆蠲免正德四年兵部題自弘治四年以前者南北直隸河南山東府州縣并京外衛所成化弘治正德等年間各有棄批拖欠馬匹欲便通查追究但恐成化到今歷歲既久官吏又多死亡人民不無逃故兼且文卷未制累在革前縱使查追恐徒勞攘准免追五年以後至正德四年止行御史鄭約周奎逐一查勘立限追完就令給批起解以憑發寺驗收有罪之人徑自依律問擬發落正德五年詔正德二年以前各處軍衛有司虧欠倒失馬駒牛驢例該追徵銀兩并京營各邊官軍倒死騎操馬匹例應買補徵收租銀及備用馬匹草場租銀拖欠之數除已徵在官外未徵之數悉與蠲免正德五年詔各處免糧養馬地土內有水坍沙壓等項負累人戶包養累經具奏者令巡按御史查勘明白具奏除豁正德六年都御史邊憲題稱山東

地方被賊殘害乞將濟兗二府應印孳生賠補種兒騾馬除免該兵部議地方災傷盜賊殘害不獨濟兗二府為然南北直隸并河南等處亦各傷損人民艱難准將正德五年孳生馬駒例該今秋印烙者暫免差官以題民因待後下年成熟一併印記 正德八年八月兵部題准地方連年多事暫免差官著各該巡撫都御史嚴督守巡等官公同分管寺丞責限買補務足原額 正德九年詔各處孳牧寄養馬匹先被流賊搶劫曾經告官勘實執有明文并提督撫按等官允與征勦官軍騎去不曾給還者除已買補外其未買之數巡撫及太僕分帶勘實悉與蠲免不許捏故濫報事發重治 正德十三年給事中王紀等奏勘入戶流亡及地方所產不堪者免其收養種馬定立歲辦額數量徵價值每年類解太僕寺收貯聽其從便買用該兵部題查得南北直隸河南山東額定該養種馬數目係于國制擅難更改但地土災傷准行分管寺丞會同印馬御史查勘准揚

二府所屬災傷各州縣原養種駒如有虧欠暫且停買
侍後豐年買補印烙正德十六年詔各處徵糧養馬
地土內有水衝沙壓坍江等項負累人戶包養累經具
奏者巡撫巡按官查勘明白具奏除豁嘉靖元年題
准地方災傷行南直隸掛欠馬匹州縣自正德十六年
以前曾經起解到部送寺依驗不堪退回馬匹聽從變
賣每匹照依徵銀一十八兩解部發寺收貯買馬支用
嘉靖六年詔順天論地養馬近年以前地多歸于勢
豪之家其馬仍令本戶喂養瘦損倒失責令追賠甚為
貧民之累應天等府所屬論丁養馬近因備解駒馬每
年止解借用馬價所有種馬或有倒失仍復責令買補
民亦不堪著兵部通行議處以蘇民困嘉靖七年都
御史唐龍題徐州豐縣嘉靖六年夏秋水旱蟲蝻疊見
本年分原派備用折色馬二十四匹因災未解要仍照嘉
靖五年事例再免追徵該兵部議馬政錢糧額有定數
例無蠲免准暫停止候豐年收成之日每年陸續帶徵

三分限三四年完足 嘉靖七年都御史唐龍奏泗州
淮汴沙陡等河田畝淹沒人民流離乞照徐州事例通
改折色該兵部議泗州每年坐派本折該馬一百四十
匹其地方係祖陵重地原無開截養馬免糧丁田等項
實與他處不同准將種馬照舊喂養聽候外但遇每年
坐派備用馬匹原係本色者該二十五匹每匹徵銀二
銀二十兩原係折色者該二十五匹每匹徵銀二十八
兩定為例照數徵完解部收貯以備買馬其別府州縣
不許援例奏擾 嘉靖七年題准以地方災傷山東沂
州魚臺鄆單滕費等六州縣備用馬俱派折色 嘉靖
十二年詔在京各營在外各邊并順天府南北直隸山
東河南各處軍衛有司騎操孳牧寄養馬騾驢牛并種
馬馬駒近年以來虧欠倒失被盜等項并有例停候買
補者悉與蠲免以蘇久困若有已補在官者照例押發
交收該管人員若有通同欺隱作弊者事發治以重罪
嘉靖十二年詔山東河南南北直隸各該牧馬草場

子粒租銀連年災傷以十分為率自十二年以前各免五分以蘇民困嘉靖十五年詔南北直隸各牧馬草場子粒租銀連年災傷以十分為率自十五年以後蠲免四分嘉靖十五年題准淮揚廬鳳四府滁和二州連年災傷民困至極嘉靖十六十七年分該備用本色馬匹暫准照例折價以後年豐照舊額本折中半嘉靖十五年詔在京各營在外各邊并順天府南北直隸山東河南各處軍衛有司騎操孳牧寄養馬騾驢牛近年以來虧欠倒失被盜等項并有例停候買補者俱准令蠲免其已補在官者照例發該管人員交收若有乘機欺隱作弊者事發治以重罪嘉靖十七年詔自本年十一月以前南北直隸山東河南各處軍衛有司騎操孳牧寄養馬騾驢牛凡一應虧欠倒失被盜等項該追價銀及買補各處牧馬草場子粒凡被小民拖欠者除已徵已補在官照例起解交收外其未完之數悉與蠲免嘉靖二十九年淮安府知府趙大綱奏稱坐派

本府所屬州縣本折馬每年一千一百九十七匹計馬徵銀折色十八兩本色二十兩然地方濕墊原非養馬去處每遇起俵前往河南山東等處收買加以四兩草料又且水草不調疾疫易生倒死必令賠償瘦損不無驗退欲將本府所屬州縣馬匹或比照四州事例俱解折色或照海州事例暫改折色該兵部議災傷切於民隱固宜寬恤而馬政係干武備尤慮更張惟賴榆清河桃源宿遷四縣近年災傷重大氏多遷移查與海州事頗相同俱自嘉靖三十年為始至三十二年止通行改折三年以示寬恤三十三年三月巡按直隸監察都御史郭氏敬題稱地方兵災將鳳廬揚滁和六合江浦地方應解本色馬匹與淮安暫改折色候年頗豐復照舊例徵納隆慶元年題准順天所屬薊州等九州縣十分災傷寄養馬匹酌量均勻調充以後解到馬匹暫免發俵待後年豐另行查發其河間保定二府查勘被災州縣亦照順天府九州縣事例一體施行隆慶五年題

准將淮安府所屬十州縣自嘉靖四十四年至隆慶三年止一應拖欠馬價銀兩俱暫停徵稍候豐年即行帶徵起解其隆慶四五年應徵者作速徵完解部交納以備買馬不許仍前拖欠致滋奸民復覬寬免之例如違本部從重叅究隆慶五年題准將真定大名二府所屬各州縣原派養餘地銀兩自隆慶六年以後盡行除豁免其徵解以蘇民困其隆慶五年以前既稱分毫未徵不必再徵隆慶六年題准昌平州派養馬匹盡數豁免萬歷二年以霸州永清等九州縣水災議准各邊題討馬匹先將被災州縣分別輕重調充其餘空戶暫免俵發萬歷二年題准將南直隸鳳淮揚三府并徐州所屬地方被災清河等二十七州縣節年拖欠馬價銀兩未徵者通行停徵三年萬歷四年題准地方十分災荒將揚州鳳陽淮安等府屬變賣種馬拖欠銀兩悉從寬減以蘇民困萬歷四年題准重地十分災疲豁免泗州額外重累以蘇民困萬歷九年題准將淮

安府屬各州縣揚州府屬高郵興化寶應三州縣徐州
及所屬蕭縣鳳陽府屬泗州鳳陽臨淮府盱眙懷遠
七州縣自萬歷八年以前拖欠馬價草料場租變賣種
馬銀兩已徵在官者裁數起解者拖欠未徵者都准豁
免以甦民困 萬歷十四年題准將淮揚徐三府州班
價馬價俱准蠲免 萬歷十四年題准將北直隸南直
隸被災地方分別輕重十五年分折色馬價每匹減銀
二兩十六年以後仍照舊徵銀二十四兩又將順天保
定河間三府寄養州縣通年旱災頻仍自萬歷十三年
冬季以前倒失馬匹馬價免其追賠其已買見在馬并
已追完銀速行解寺不得乘機侵匿 萬歷十四年題
准畿南災民十分困急暫免備用本折馬匹其變賣種
馬草料銀兩暫行停免待後帶徵 萬歷十四年題准
將真順廣大四府十五本折馬價草料俱暫免停徵
萬歷十四年題准將廬鳳淮揚徐滁和七府州應派萬
歷十五年分折色馬價每匹一例減徵銀二兩其十六

年以後照舊徵銀二十四兩起解不得再希蠲免 萬
曆十六年題准將海邳等五州縣未完萬曆十二年馬
價銀一萬一千二百一兩盡數蠲免 萬曆十六年題
准地方疊罹災傷將鳳陽等處被災州縣拖欠馬價草
料租銀暫行蠲免以蘇民困 萬曆十六年將薊州十
二團營十六年被災草場地一千六百九頃四十畝應
徵租銀量免四分徵解 萬曆十七年題准異常災旱
萬分危急將鎮江府馬價銀九千九百八十四兩草馬
草料銀二千三百四十兩悉准免徵 萬曆十七年題
准積困地方將應天徽寧等府廣德等州縣牧馬租銀
草馬草料銀兩悉准蠲停 萬曆十七年題准異常災
旱將鎮江府萬曆十七年分牧馬草場租銀六十兩八
錢五分准與蠲免 萬曆二十年題准泗水昏墊民命
陷危將泗州馬價草料自萬曆二十一年起至二十三
年止暫免三年少甦民困以後十分照舊徵解有司不
得混行徵派各州縣勿得上例未免 萬曆二十一年

題准將昨成封立二縣本色馬匹自萬歷二十二年為始暫改折三年候年時豐稔照舊本折並徵萬歷二十一年題准淮北根本重地大罹異常水災將揚川府所屬高興等七州縣拖欠馬價草料自萬歷十五年起至十七年止鳳陽府泗鳳等十八州縣十八年以前淮安府邳安等十州縣并徐州所屬三縣十九年以前拖欠馬價草料盡行蠲免以甦民困其揚州府七屬十八年以後鳳陽府十八屬十九年以後淮安府十屬并徐州所屬三縣二十年未完馬價草料銀兩俱限二十一年將被災州縣果係被災極重者本色盡行改折被災稍輕者量為少派本色無災地方量為多派本色并河南撫屬滁州等七州縣二十二二十三兩年本色馬匹俱准改折色萬歷二十二年題准真定地方水災重大暫行改折一年萬歷二十二年題准照萬歷二十年馬以十分為率普派本色三分折色七分定例權于

欽定四庫全書

卷九

各府本色三分之內分別災傷輕重重者本色盡改折
色稍輕者少派本色無災者多派本色其河間各府所
屬各州縣災重本色五分俱暫改折色保定等七府所
屬各州縣被災稍輕本派本色三分暫改折色一分充
州東昌二府被災又次者派本色二分五厘暫改折色
五厘永平彰德衛輝三府原係無災仍量派本色三分
所派原係本色暫改折色者每匹徵銀三十兩其餘原
額七分折色每匹徵銀二十兩萬歷二十三年本寺
題准遇災傷重大年歲賑恤寄養人戶該本寺題洪
武初種馬徵駒搭配倒失即補遇赦不免永洪間凡倒
死欠孳生者免追賠宣順間被災被兵皆蠲免近日則
寬矣凡依養皆民依民遇災兵得減派改折蠲免而獨
養民頻年勞費不可減倒失不可蠲免皆畿甸重地數
年災甚未蒙寸澤不無向隅今以舊例不能別議他蠲
惟于災傷重大之時重加賑貸以為養馬之資不致民
間枵腹而馬亦免于瘦死是則民與馬共利而亦得與

俵民均同
仁澤矣

馬政紀卷九

欽定四庫全書

馬政紀卷十

明 楊時喬 撰

政例十

政例者前今條例事宜行于戶種俵寄買兌之間者也
會典兩太僕寺志本諸司職掌馬政條例所載洪武榜
例有議和買補騾駒孳牧文冊官點期限丁糧則例諸
款又有管轄祀典印俵比較禁約蠲恤諸款今此紀管

轄祀典如舊而凡議和買補騾駒皆在印俵比較禁約
蠲恤四款之內皆列于各款不別為紀顧其間前者日
草後者日異或亦時勢所趨致然乃草者紀之所以明
祖制異者俟之所以示今法亦皆相時考勢者所欲覽
鏡者也紀政例十

管轄

太僕寺

會典太僕寺總管卿一員分管少卿舊設二員一員巡

視京營及各邊騎操馬匹一員提督順天河間保定三府所屬寄牧馬匹俱領勅一年更替正德七年添設一員收兌馬匹及會同科道兵部委官秤收馬價丁粒各營椿朋銀兩隆慶三年題准少卿一員仍提督京邊馬政二員分管東西二路各兼寄牧孳牧驗烙巡驗之事俱領勅不更替萬歷九年裁革一員十一年復舊凡分管寺丞舊設十二員以九員分管順天保定真定河間永平大名濟南兗州東昌九府一員管順德廣平二府

一員管開封衛輝彰德三府各馬匹一員管京衛孳牧
騎操馬匹弘治十八年裁革四員正德九年添設一員
專管寄養馬匹嘉靖八年裁革三員以寄養馬匹令該
管地方官帶管其六員一員分管順天順德廣平三府
并京衛孳牧騎操馬匹一員分管真定保定二府一員
分管大名永平二府一員分管河間及濟南府一員分
管兗州東昌二府一員分管開封衛輝彰德三府俱三
年更代每歲二八月出巡照依兵部馬政事例逐一興

舉歲終比較遇更代之年具所行事蹟造冊繳部查照
其山東等都司所屬衛所各從本司委官提督遇有解
到孳生馬匹照例發屬寄養隆慶三年題准定為三員
以一員提督庫藏兼辦理京邊二員協理東西二路萬
厯九年裁革一員尋復舊少卿勅內兼載寺丞職名遇
少卿缺則寺丞暫攝行事

管轄地方北直隸順天

五州二十二縣今去昌平

金吾左等衛

共計四十

衛保定

三州十縣

順德

九縣

真正

五州二十六縣惟阜平不屬

廣平

九縣永

平

一州
五縣

河間

二州
十縣

大名

一州
十縣

河間等衛

四十六
衛所

濟南

四州二十五縣
惟歷城不屬

兗州

四州二十一縣
泗水曲阜不屬

東昌

三州
十縣

開封

陳州項城陽武封丘沈丘
蘭陽儀封七州縣

彰德

磁州安陽湯陰
臨漳一州三縣

歸德

考城
一縣

東路分管寄養馬順天

大興順義平谷懷柔密雲三河
薊州玉田遵化豐潤寶坻永清

武清文
安大城

河間

任丘靜
海青縣

種馬保定

初州清苑滿城安肅唐
縣博野深澤蠡縣安州

束鹿高陽
完縣慶都

河間

滄州獻縣
鹽山交河

永平

深州
盧龍

真定

真定井徑獲
鹿靈壽藁城

無極行唐冀州南宮棗強武邑晉
州武強趙州高邑隆平寧晉深州

廣平

肥鄉雞澤
廣平成安

大名

大名南樂魏縣青豐內
黃渚縣滑縣東明長垣

濟南

齊河濟陽陵縣
商河德平武定

兗州

滕縣
嶧縣

城武鉅野汶上東昌莘縣茌平冠縣丘縣高唐恩縣開
費縣折色無馬夏津武城濮州范縣朝城觀城

封陽州陽武封丘蘭彰德安陽臨漳衛輝汲縣新鄉獲嘉歸
陽儀封項城沈丘

德考南馬應天江浦廬州六安無為合肥舒鳳陽壽州
城廬州城巢縣廬江霍山潁州

宿州亳州定遠懷遠霍丘太和
虹縣靈璧天長五河潁上蒙城

西路分管寄養馬順天宛平通州涿州良鄉固安房山
涿縣保定東安霸州香河昌平

今河間景州河間阜城東光肅寧吳種馬保定易州新
草橋南皮慶雲寧津故城興濟城定興

容城新永平遷安昌黎真定定州新樂臨城贊皇饒陽
安涞水樂亭撫寧元氏曲陽衡水平山欒城

新河廣平永年邯鄲大名開州廣德建濟南泰安長山
安平曲州清河元城德州平原

禹城長清肥城蒲臺利津鄒平齊東青城新城
兗州濟

濱州陽信霑化樂陵臨邑淄州海豐新泰萊蕪
東阿沂州魚臺定陶鄆城壽張金鄉寧陽郳城
單縣鄒縣東平曹州陽穀曹縣滋陽郳城嘉祥
東昌聊

棠邑館陶彰德磁州南馬應天
上元江寧句濬
博平臨清彰德湯陰南馬應天
上元江寧句濬
盧州滁

全椒來安和寧國南鎮江丹徒丹
陽金壇太平
當塗蕪湖繁昌
州本州含山寧國陵鎮江陽金壇太平
徐州本州蕭縣

碭山揚州高郵泰州興化寶應儀
真如皋江都通州泰興
淮安
海州邳州山陽
豐縣
桃源安東睢寧

宿遷清河沐順德邢臺沙河河南和廣永
鉅
鳳陽泗州鳳
陽贛榆鹽城順德
鹿唐山內丘平鄉任縣
陽臨淮

盱眙

南京太僕寺

南京太僕寺額設卿一員少卿三員嘉靖間減一員隆慶二年又減一員今二員寺丞洪武初四員弘治十八年減二員存二員每歲分管江南北淮東西俱三年交代督各府通判縣佐貳管隆慶二年祇存一員同少卿共二員分管各八府地方其各事宜悉與太僕同

管轄地方南直隸應天八縣鎮江三縣寧國南陵一縣太平三縣

全建平廣德州一縣鳳陽十八州縣淮安三州九縣揚州二州六縣

廬州二州五縣滁州二縣和州一縣徐州四縣

英山不屬

併衛

滁州衛

分管少卿管

應太寧鎮淮
滁和等處

寺丞管

鳳揚徐
州等處

太僕志曰會典馬政太僕寺專理而統于兵部即此則專統各有攸司而事權亦各有所在天順元年太僕寺卿程信按政事理營衛馬三營將官訴太僕寺苛急請隸兵部信言高皇帝諭馬政勿令人知今隸兵部馬登耗臣等不得聞即有警馬不給請無以責太僕上是其言令如舊制以後遵行凡于馬政兵部統之或劉行本寺或本寺呈兵部而其登耗則本寺專理其後則大不然矣革議種馬兩次皆係首輔兵部主行本寺皆不得預惟行各府州縣者仍係本寺移文似非專理之舊矣則夫于專統之間俾事權各有所在而于緩急得以相承並濟詩謂率由舊章不愆不忘是不可不為之遵守者也

祀典

國初建廟祭先牧馬祖馬社馬步司馬凡五神位

周禮春祭

馬祖夏祭先牧秋祭馬社冬祭馬步馬祖天駟也房為龍馬又周禮夏祭原蠶天文辰為馬精龍與馬同氣古之聖人非通天地萬物之理其孰能與於此是以制祭祀而國家受福百物皆昌也祭以剛日用少牢皆於大澤具隋志及唐開元儀祝皆曰天子遣某官某昭告云余觀秦趙史記自益為朕虞佐舜調馴鳥獸其後費昌仲衍世為御有功列為諸侯而造父幸於周穆王得驥溫驪騂騶騄耳之駒獻之穆王穆王使造父御西巡見西王母樂之忘歸而徐偃王反造父御穆王日馳千里以歸造父由此封于趙城其後奄父為宣王御而非子以善養馬孝王封之犬丘宣以栢翳為虞而子孫世世善御能息馬哉上古聖賢皆神靈通于萬物不可以後世測度也穆王造父之事奇矣夫社祀以勾龍稷祀以棄若造父非子豈今所謂先牧耶太僕秦官主奉車又

掌馬事意秦制蓋有所本抑周禮軼而不備不然何前世御者皆能善馬也太僕職兼奉車與馬其出於古非秦官明矣

太僕寺

永樂初建于通州四十里鄭村壩上奉成祖命建馬神廟後寺署徙京其廟祀如舊處歲二月二十二日八月

二十二日本寺具疏欽遣少卿一員行禮

祀品本寺取馬價銀一十

四兩發通州寶坻密雲順義武清三河霸州懷柔玉田固安遵化東安薊州豐潤房山文安平谷大城輪年辦祭週而復始大興宛平良鄉繁衝香河永清灤縣簡小昌平裁革皆不預令通州壩上諸房御馬監掌之以

乳 擠

南京太僕寺

洪武初定于滁州本寺卿唐元亨請建馬神廟于本寺

西隅祭日同本寺官行禮

祀品係滁州全椒來安輪辦
洪武二年築壇于後湖先

是詔禮官考定其儀曰周官以四時分祭馬祖先牧馬
社馬步先牧始養馬者其人未聞馬社始乘馬者世本
曰相馬之神曰茲者恭建為民祈歲之典於大高玄殿
仰冀玄貺裕國足民疆圉靖謐家邦和泰謹卜今日上
吉行禮特用遣官祭告伏惟鑒知謹告維嘉靖二十二
年歲次癸卯八月癸酉朔二十七日己亥欽命遣太僕
寺卿毛渠致祭于先牧之神曰惟神職司羣牧克濟兵
資邊圉寧謐厥功是著今者祈報上玄特用遣官致祭

謹告維嘉靖二十三年歲次甲辰三月己亥朔十六日
甲寅又命遣太僕寺卿毛渠致祭于馬祖先牧之神等
神曰胙月之吉朕為民食大祈天地茲念遷騎擾我生
靈載啓保民靖敵之典於雷霆洪應之殿特此祭告神
其宣力助化以
贊朕誠謹告

印俵

種馬起俵差官印烙其後專委本寺同印馬御史此
皆種馬時事若印烙解俵在州縣者印烙營衛在本
寺及會同科道兵部司屬者此皆今日見行者

凡印馬差官

舊例兵部請旨點差公侯伯或附馬一員
本部委官一員景泰間革去侯伯等官差

御史二員同兩京太僕寺分管寺丞印依天順初復差公侯伯及御馬監內官一員成化初革去內官侯伯每歲九月中請旨差御史二員同該管寺丞分行印依嘉靖二年議准自三年為始遵照成化初年事例於九月終奏差御史請勅分投前去各該地方公分管寺丞查點種馬遇有倒失即令馬戶買補作踐致死者照例追賠各年拖欠備用馬匹逐一查追批迴催督完解其各府州縣管馬官員內有盡心職業馬政修舉者一體旌獎貪懦不職諂悅上官營求別委荒廢本職應提問者提問應叅奏者叅奏每遇三年之期仍照常請印點烙待後種馬蕃盛足勾原額備用馬匹不致拖欠照舊停止近例併差御史一員印馬以上今種馬變賣印烙不行

凡印烙馬駒

自洪武初年孳生備用騎操折易并進納馬匹俱印烙以防姦弊其孳生及賠納馬

駒應交俵者印訛差官照依地方日期將空閒增出人
丁俵散領養造冊具奏各處印中備用馬匹徑解兵部
發太僕寺交納以憑俵散洪武舊例江南馬每年三
月初一日起南京牧馬千戶所印俵江北馬每年三月
十五日起南京太僕寺印俵凡孳生駒用云字小印俵
散作種用大印結軍騎操者再用云字印正統四年
奏准應天鳳陽等處孳生賠補馬駒南京太僕寺官同
南京兵部委官及御史分投印俵九年奏准鎮江府
所屬於本府太平寧國府廣德州所屬於太平府印俵
成化十六年令凡馬非經官印驗者不收弘治四
年奏准凡印烙馬匹民馬照舊印左給軍則印右如京
營邊關馬無右印即係盜買民間官馬追究問罪九
年令孳生駒齒少力強而不及四尺長以上
者亦聽印俵以上印烙種馬今種馬即草

凡解俵馬以百匹為率退三十匹以上者叅問

自弘治六年兵

部題該太僕寺卿彭禮等奏本部會同英國公張懋等
議得以後每年差去御史會同寺丞印烙將孳生兒騾
駒堪種者照例印烙其多餘騾駒并不堪兒駒不必印
烙令其變賣每匹價銀二兩以上每遇取起備用馬匹
如見在之數揀選不敷收買好馬起解各處分管寺丞
照例三年將所屬種馬選驗一次如兒馬老病不能孳
馬騾馬漂沙等項不能揣其駒者責令照例變賣銀兩
起解撥與存留堪以作種兒騾駒領養補數如駒不足
就將變賣銀買補奉旨是兵部為修舉寄養馬政事隆
慶二年御史謝廷傑奏准擬查驗果係十年以上癘瞎
瘦損不堪者准其變賣仍照舊例借充一二次者追銀
十兩三四次者追銀八兩未經借充者追補大馬合式
方許印烙仍定立限期嚴催完報其餘堪充并堪養之
馬責令馬戶用心餵養備用不許捏稱傷損一槩變賣
致生姦弊 以上
皆種馬解俵時事

凡印馬字樣

自洪武中華生駒用云字小印俵散作種者用大印給軍騎操者再用云字印嘉

靖三十五年議准寄養馬印官字五軍等營印五字樞字機字巡字捕字隆慶五年寄養馬印寄字錦衣衛

勇士營四衛營印

衣字士字四字

凡免印馬匹

自成化二十一年奏准買補備用馬免其用印止令起解以備選擇弘治六年令

華生兒駒看驗不堪及羸駒多餘者俱免印烙從其變賣以充買補備用之數

凡印烙贓罰馬匹

自萬歷二年應罰馬匹刑部追銀送部賣馬仍送驗印給軍

凡起解俵買補馬齒數官尺

舊例制奉欽定齒歲六八歲以上三歲以下為率

隆慶元年又題將原降官尺再行公平較勘鑄造鉄尺每府降發行令依式鑄造凡所屬州縣各結以後驗馬

尺寸以此為準四尺以上者為上等三尺九寸者為中等三尺八寸者為下等三尺七寸者不准近日事例七寸者如果臆壯無鞍花癩病者姑准量行印收冊內即填註上中下等第聽本官分別等第類叅如齒尺與冊開不同即將承批官吏醫獸馬戶送問馬匹駁回另補近日京師買補馬亦照此齒數尺數議價

凡印解俵馬

自萬歷九年徵銀買俵各州縣自印起解即封原印隨馬送寺轉分管少卿查驗如

式驗收印烙發寄養地方如不合式或道跋涉餵養不及仍限日再驗如果或不合式即發回另行買解即以此定各官賢否舉劾差來官吏即行賞罰務求合式庶免遺累寄養人戶

凡查驗寄養馬匹

舊例每年終二路少卿出巡分管地方查驗原發印烙過寄養馬分別等

第仍查年久者齒老不堪調充者酌處州縣用心餵養者薦舉不然者叅劾兵部咨吏部記過議處令將不堪

者攢糟餽養以候次年查驗如驗堪充者即薦舉陰其
舊所論紀過仍一體陞擢馬戶賞罰亦同充後空戶另
行發寄不得州縣官頻行借點開為名科斂擾民以
上萬歷二十三年該本寺題議照得舊例州縣官買儀
官四十上叅治四十下戒飭寄養官充四分上叅治二
分下戒飭近來令買儀漸少多者至百匹少數十匹未
有至四十上下者寄養者亦然每于前例不足則是法
不許叅論也況屢該題覆舉劾祇據馬政不必及他今
兩路少卿見行然歲終始舉未必有益于馬惟本寺卿
裴應章奉欽依不時叅論又唐克欽題兵部覆議不時
叅奏于起俵馬官不行用心揀選任其癘小不堪聽憑
積販包攬者于寄養官不行如意查驗致瘠損倒死數
多或買補不追或任馬戶以小馬抵換原發大馬或以
生作死私賣重價希圖輕價買補者通計其馬數以分
數為率三分上罰俸五分以上住俸候下次查驗臆壯買
補總至八分上為請開俸本部仍咨吏部將馬政修舉

者行取推用示勸廢弛者附過劣處示懲各州縣佐貳
首領有科尅馬戶事實跡者聽該寺提問隨奉欽依這
馬政事宜既議停當依擬著實舉行又如管馬通判該
近少卿施等題兵部覆奉欽依與州縣一體舉劾兩路
所屬不妨會同至解官解戶獸醫等凡俵寄堪養者即
賞取庫銀勸之不堪者罰即懲之此皆當亟行然此乃
兩路行于州縣者州縣統于府知府等官舊時得決責
況舉劾乎近舉劾例廢各府或有玩視怠事者惟南太
僕寺仍舊例自今合無申明如例第歲終行之似于太
數惟知府官于三年考滿日申請本寺卿照舊例查其
任內錢糧無碍即薦奏給由如拖欠不許給且劾請該
部查處乃以綱統紀馬政因飭常變其濟此東西二

路見
行者

凡驗印烙倒死馬匹

各衛所每有倒死馬匹呈部寺行
分管少卿行營查追各營追完赴

寺交納仍造循環文簿按季呈報少卿每月朔各把總官具馬匹不致顧覓馱載結狀赴堂投遞邊衛各營堡按季造馬匹收除及檄銀完欠數目赴寺投遞此係京營印烙事例皆見行者

凡歲終印烙營衛馬匹

五軍營

神樞營

神機營

以上各營俱本寺提督京營少卿會同科道印烙查叅錦衣衛張家灣旗手衛以上俱本寺提督京

營少卿會同兵部印烙查叅莫靖所通州營以上止領馬時用印年終不印烙

凡印烙新買馬匹

每年三大營買馬六百匹兵部劄行本寺動支庫貯馬價銀兩該營將官

赴寺領銀隨關京營堂徑自會同巡視科道兵部車駕司公同召買當日給軍騎操以上皆京營少卿見行者

凡京營巡視馬匹

該本寺題巡視京營巡視邊關一款
前議者以邊方騎操馬匹不甚惜倒

死不行賠償鎮巡大臣閭畧文法把總等官乾沒貨利
府庫有限邊方請求無限屢議照舊以卿寺巡視
慶四年奏專勅如宣大各城堡并居庸密雲古北永平
山海等處官軍馬匹例該巡歷照原擬依期前去逐一
點開官軍敢有玩法不遵怠事作弊等項即便指實叅
究又題聲息事寧日即將陣失馬匹覈實開報本部以
後討馬查明方許補給以革混冒如有抗違不遵聽從
實叅究 隆慶二年題准薊昌宣府各鎮將騎操馬立
循環文簿送提督少卿倒換稽查每年終聽少卿點開
一次宣府永平山海等懸遠聽行各兵備道就近點開
有倒失數多者該將領聽其叅究近時始廢或謂各將
官不奉令兵備官不可委不能行又秋防後京營多務
不服行先臣謂鎮巡結之以恩太僕裁之以法並行安
有不能行者其或秋後不服于冬末次春或每二年一

行又查照京營各衛會典嘉靖間令提督卿丞每年印烙完日將各把總官軍題叅近惟科道會行本寺未舉以上總乞勅下該部申飭及照舊巡視題叅乃法行首善可以御遠隨該兵部議覆具後

比較

會典太僕志載國初比較止于孳牧馬駒以倒失虧欠行罰其後各府寄養京邊騎操之馬皆有稽查事悉領于太僕法例滋備矣今孳牧種馬既草僅寄養京邊騎操諸務猶舊亦多損益不一備紀之

凡比較孳牧馬匹

按洪武榜例凡倒失者從民議和或一縣或三五羣長贖價買補三歲

以上八歲以下高四尺以上堪中馬匹還凡官聽候
驗印作數違錯及遲延者一體追駒凡管馬官吏時
常下鄉提督看驗馬匹要見定駒若干顯駒若干明白
附寫印信文簿以俟太僕寺出巡比較正月止六月報
定駒七月止十月報顯駒十一月止十二月報重駒但
是新羣益者即作定駒凡季報為實在春季三月二
十四五夏季五月二十四五秋季九月二十四五冬季
十二月二十四五徑送太僕寺類繳其有生質奇異與
種馬不同者明白申報凡比較點馬文簿要開原領
孳生兒騾馬數分豁該算駒者若干不該算駒者若干
生者及未生者若干原馬齒色及所生駒毛色逐一開
報凡倒失種馬虧欠馬駒俱在年終完備如是不完
府州縣正佐首領官吏決杖二十管馬官吏加倍痛治
凡管馬官有闇茸貪污害民者分管寺丞及所在
掌印官開奏以除民害凡府州縣置立印信羣蓋文
簿與管馬官吏收掌躬親提調逐日益過次數定駒日

期明白與各驛馬格眼內逐日仍填寫以憑稽考比較令羣長各一體置立羣益簿附寫比較每年正月二月三月起時羣益定駒驛馬生駒七日後即著兒馬羣益仍將生駒并買補日期亦於簿內附寫明白夏天炎熱呼月須用天氣晴明清晨晚天涼候羣益若蓋過三次却停歇三五日再用兒馬羣益若果驛馬行踢不受的係定駒仍五日一次用兒馬照試如果不受的係定駒其驛馬先須喫草後方可飲水不許餵蕎麥稻黍穰雜糧及淘米泔并一應污水餵飲落駒不便凡補領或孳生三歲驛馬駒照例每兩年納駒一匹永為定例若虧欠馬駒務要買補相應馬駒還官照依原搭配驛馬依時月務要加料餵養三歲兒駒羣益驛馬不得定駒即用大兒馬羣益

凡比較俵寄各馬

自嘉靖二年議准各府州縣官置立循環文簿二扇用印鈐記循簿開寫

春秋月分環簿開寫夏冬月分各馬匹毛齒馬頭姓名
仍備開臚損有無倒死買補若干一留本府一發州縣
循去環來按季查考管馬通判出巡吊取州縣簿分管
寺丞出巡吊取府簿查對點視其在各府并太僕寺簿
籍用太僕寺印鈐簡去環來按季查考三年印烙改造
一次 六年議准府州縣掌印官原有提調責任裁減
衙門亦係兼管馬政管馬官員職專管馬不許別項差
委各該分管寺丞每年終將各府管馬官并州縣正官
及管馬官員從公考察開具賢否揭帖呈部轉送吏部
施行 十年奏准各州縣管馬官員於起俵之時備將
經管種馬備用馬并折色及草場子粒已未徵完馬戶
見在逃移數目造冊赴太僕寺查比管馬通判於年終
掣總之日備將各州縣馬匹錢糧等項如前造冊并將
各管馬官員公同掌印官填註考語親齎送寺本寺掌
印官叅酌停當填註賢否送兵部轉送吏部查考 萬
歷二十三年題議種馬已革今循環簿惟報買俵數目

而已祇合于春秋二運日各州縣交付解馬官吏責至
查此為便其餘一切空文俱行裁革又題准管馬通
判照例歲終親自掣批其有兩運銀馬俱完許秋運完
日即准掣至三年考滿吏部行文兵部轉本寺查明無
碍始准給由知府三年給由
照舊例申報無碍方准徑送

凡比較孳牧馬匹

自成化二年奏准管馬官三年任內
孳生不虧者稱職額外生者量加旌

擢不及額至百匹者降用分管寺丞以所屬騾額虧增
逾為黜陟七年奏准府州縣掌印首領官在內馬匹
虧欠孳養不增者九年不准給由措置完日與管馬
官一體降用衛所掌印官馬數不完一體比較太僕
卿年俸等奏要令各該掌印官員管理馬政考滿照例
一體稽考又許本寺與分管寺丞比較本部仍行吏部
凡遇各該養馬府州縣掌印官考滿照依錢糧軍伍
事例送部稽考任內馬政有無虧欠增減其馬不足者

如係三年六年暫准給由酌量馬數仍令回任措置馬數完日照依興舉馬政事例與管馬官一體降黜及照各該分管寺丞職專督理馬政今後考滿到于吏部務要照依本部查出馬數多寡以憑考覆黜陟奉旨是掌印并管馬官虧欠馬數照例九年不准給由弘治元年題准司府州縣掌印正官務要司督府府督州州督縣俱令管馬官員若實興舉馬政如管馬官有故俱令掌印正官帶管違者或批收不完聽兩京太僕寺堂上分管官員比較參究如年終倒死種馬虧欠馬駒各將府州縣正官并管馬官吏決打一次若有災傷等項仍令比較縱不決打亦要取招其三年六年府州縣掌印并管馬官暫准照依見行事例給由其應考覈衙門考語不宜虛譽過情候列吏部之日仍送本查同方准復職追補馬匹若是九年不准給由發回原任追馬完日令其起送弘治二年奏准每二年差太僕寺少卿二員南京太僕寺少卿一員分往北直隸河南山東南直

隸地方比較該納馬駒每歲終分管寺丞具管馬官賢否呈部六年之內馬匹無虧者量加旌擢如或虧損數多照例黜罷兵部題該主事等官湯冕等奏議得今後每遇二年例該科駒之際本部先期議奏請勅三道太僕寺差少卿二員一往北直隸一往河南山東南京太僕寺亦差少卿一員前去該管所屬道將馬駒查算督令如法孳牧虧欠者依限賠補本部尚書馬等奏奉旨准議行孳生餘駒聽民自用弘治六年兵部題為應詔陳言馬政事該太僕寺卿彭禮等題本部會同英國公張璉等議得管馬官員兩考之內種馬倒失如買補不完不許給由騾馬二年照例著實騾駒一匹以十分為率生駒不及八分者就將管馬官員提問如律分管寺丞本部叅奏提問虧欠之數即時追補不許拖延九年奏准府州縣買補馬匹不及五分者正官住俸一月不及四分者兩月不及三分者三月京縣不拘多寡止住一月其管馬官不及五分者全住

凡比較寄養馬匹

自弘治三年奏准順天府所屬寄養馬匹專差太僕寺少卿一員比較

正德十三年奏准差少卿一員比較寄養馬匹如有倒失照京營騎操馬匹事例限三箇月以裏報官賠償如年終不完五分以上者將州縣掌印管馬官及各府管馬通判住俸追補隆慶元年議准寄養馬匹罰治例輕定擬分數匹數罰俸降級倒失者馬少州縣至三十匹中等州縣至四十匹馬多州縣至五十匹以上瘦損者馬少州縣至四十匹中等州縣至六十匹馬多州縣至八十匹以上各掌印官降一級調用各府通計倒失至三百匹瘦損至六百匹以上管馬通判降一級掌印官奏聞區處三年議准每年防秋調充之後計馬數多寡以一百匹為率三十匹不堪者降級加至五十匹以上者降調四年議准各該州縣以後寄養馬匹倒失變賣者各照議定期限期走失者限三箇月變賣者限六箇月倒失者限一年俱各補完如積至三十匹不補

金史卷之八十三
者住俸四十匹者罰
俸五十匹者降級

凡比較衛所馬匹

自永樂三年令衛所募牧騎操馬匹
每三年一次造冊管馬官齎執赴京

比較 成化七年奏准衛所掌印官馬數不完許分管
寺丞與兵部委官一體比較 弘治四年奏准衛所騎
操馬免比較其有募牧去處照例每三年委官
赴部比較凡虧欠埋沒違限等項叅奏提問

凡比較京邊騎操馬匹

成化二年奏准京營及各邊
騎操馬匹專差太僕寺少卿一

員無太僕寺去處從巡撫并分巡官比較如有倒失限
三月以裏督令賠償 十三年奏准各營各邊每年四
月十月二次將原領事故買補馬匹數目具奏以憑比
較 弘治九年奏准各營馬買補三分不完者把總等
官住俸一月四分以上兩月五分以上三月坐營官通
計三分不完者住俸一月五分以上兩月 嘉靖十二

年議准存操巡捕并錦衣旗手等衛馬匹一年以百匹為率倒失十匹以上送問七匹以上罰治不及數者免究全無者量加犒賞原管數少而倒失不多及全無者不在此限 十七年議准各營凡遇各軍倒失馬匹從實開報領馬年月黏連原領票帖赴司告理候年終比對充馬文冊果領十年以上倒死者把總官員免叅十年以下者仍以百匹為率二十匹以上把總官送問十五匹以上罰治不及數者免究仍行太僕寺少卿詣營點驗舊印模糊者許令重印不必一槩盡烙致有傷損 四十二年議准專委兵部司官一員管理倒失馬匹仍聽巡視科道兼管查驗倒失馬數年終一體查叅 四十三年議准京營巡捕勇士四衛等管騎操馬匹每年終巡視京營科道官查將倒失馬數遵照本年定例分別題叅後又令各官倒死馬數雖多原管馬數實少者免降級止罰俸提督少卿于每年印烙馬完日將臨印不到馬匹并查有拐逃隱匿等項各把總官軍題叅

又議准京邊倒失馬匹以一百匹為率倒失五匹者為上等免究十匹至十五匹為二等十把總罰俸兩月副叅遊守等官罰俸一月二十五匹者為三等十把總降一級副叅遊守等官罰俸三月三十匹以上者為下等十把總降二級副叅遊守等官罰俸半年仍查追完椿銀八分以上方准開俸總兵官以一千為率倒死一百匹為上等免究一百至一百五十匹者為二等罰俸一月二百五十匹者為三等罰俸三月三百匹以上者為下等罰俸半年亦查追完椿銀八分以上方准開俸隆慶二年題准薊昌宣府各鎮將騎操馬匹置立循環文簿送太僕寺提督馬政少卿倒換稽查每年終聽少卿點開一次宣府永平山海等處地方懸遠聽行各兵備道就近點開有倒失數多者該管將領聽其叅究

凡起解南馬

自成化二年奏准南直隸起解備用馬有矮小不甚及不足數者每匹徵銀十兩解

部發貯太僕寺以備收買 二十一年奏准南備用馬
從各府州縣徑解北京交儀如有拖欠及補完之數仍
行南太僕寺照查行

凡管解官員

自嘉靖元年奏准歲派備用馬本色折色
俱管官依限解部發寺驗儀寄養貯庫支

用不許差吏及改差土官義民人等管押以致中途作
弊若違限年終類叅州縣掌印管馬官俱提問罰俸以
後議准四十匹以上差官二十匹以下差吏 四十三
年題准各府管馬通判每年九月給領總批限十月終
親赴部查比候該府馬匹銀兩解儀完日方許掣批回
府如違例不行總部及改差代解者叅究題問 隆慶
二年題准各違限違例每歲終太僕寺呈部查究行各
該巡按御史提問奏報不許延至隔年其不赴掣總通
判及吏役遲慢等項該寺徑行查處 萬曆三年題准
各州縣起折色馬價徵解府庫照依春秋二運原限選

委州縣佐貳類總解部發寺交納
年終該府通判赴部掣總查比

凡比較京府馬政自成化十四年奏准比較馬政兩京府尹府丞聽納米贖罪各府知府查

參

附各邊

凡查比苑僕馬政自弘治四年奏准遼東陝西苑馬寺華牧馬匹每三年一差官點閱其各

行太僕寺苑馬寺於內府關領精微文簿將騎操華牧馬匹逐一填寫繳部送內府交收嘉靖十五年議准

陝西山西遼東行太僕寺每年春秋二季點視官軍騎操馬匹如遇倒失照例追收椿朋銀兩買補仍將倒死馬并追完銀兩買補數目造冊奏繳送部查考如該寺分管官員不行按季點視以致追補數少聽撫按指名

具奏本部年終類叅罰治仍咨吏部候朝覲年考察黜退三十一年題准陝西苑馬寺令巡茶御史督理各監苑倒失馬匹虧欠馬駒將寺卿丞并監苑各官查叅陝西巡茶一年一次遼東巡撫都御史三年一次各題叅到部覆行原叅衙門照例提問罰俸隆慶元年議准陝西各院馬如孳生虧欠五分倒失又多過一分者照買補例分等罰俸提問其孳生多而虧欠少者雖未買補亦酌量免罰孳生少而倒失虧欠多者雖已買補仍加究治寺監官吏亦准通算究治

禁約

國初禁約嚴明信行故馬政舉其後日更月改馴至于玩愒而舊政廢矣今合前後紀此其中有見今可

行者則亦在擇取而舉勿失乎初意則善矣

凡差委管馬官員

按洪武榜例各衛所府州縣管馬官員職專提調馬匹不許管署衛所府

州縣事務及別項差委弘治十四年奏准凡司府州縣并分巡分守官並不許差委管馬官員如違聽巡按御史及分管寺丞糾舉應提問者提問應叅奏者叅奏撫按官亦要一體遵依毋擅差委凡奏准凡軍衛有司大小官員但有作弊虧欠馬匹及非理抗拒者聽本寺并分管寺丞遵照太祖高皇帝旨應舉問者舉問應叅奏者指實具奏定奪正德二年題准養馬府州縣正官推調不理馬政俱依錢糧軍伍例不准考滿司督府府督州州督縣各令管馬官著實舉行管馬官有故則掌印正官帶管違者聽兩京太僕寺堂上分管官叅究

凡養種馬

府州縣官一年四次太僕寺一年二次點視病瘦量為懲治倒失者立限賠償病瘦倒失

十匹以上管馬官查提究問嘉靖三十年南京太僕寺少卿雷禮奏准各府州縣管馬官員多有貪饕恣肆科索無厭以致豪強賣馬及羣頭侵剋今後務要奉公守法體國恤民中間貪婪無忌者許被害之人赴太僕寺陳告以憑叅提究問有修舉馬政賢能昭著者聽撫按官遵例舉薦以待擢用該寺仍於每歲終將各該官員職名開造揭帖填註賢否考語送部轉送吏部以憑黜陟

凡私用官馬

自宣德四年欽奉旨舊制官馬專一喂養操練以脩征戰不許閒時帶鞍騎坐往來

馳逐亦不許馱載物件兩人共騎并婦人騎坐但是損傷倒死的都追罰近體知官軍人等不守法度往往將官馬馱載糧食煤炭并馱私鹽等物貨賣甚至賃借與人騎坐馱脚等項并不愛惜以致傷損倒死的多今後

敢有故違號令的巡綽官同錦衣衛著人拏送兵部就
追罰馬一匹入官并將犯人送法司問罪弘治三年
兵部題事該英國公張懋等會議節該欽奉勅諭馬匹
亦須時常點視臙息不許私占騎用及撥與人騎坐其
坐營管操內外官并把總以下官敢有不遵號令馬匹
私占騎用及撥與人騎坐者五品以下降一級五品以
上降二級俱仍發邊方立功禁例甚嚴但各官玩法不
知遵守合無今後坐營把總等官但有私將馬匹撥與
人騎坐或令聽候者聽巡馬給事中等官指實具奏拿
送法司問罪照奉勅諭內事理降級其借馬之人一體
問罪照例追罰馬匹仍飭兵部出榜禁約本部尚書馬
等題奉旨准擬將騎操馬賃借弘治九年兵部題為
修內政以鎮外夷事該兵部辦事進士范兆祥奏要禁
約官兵人等將官馬顧賃取錢本部議得今後有將騎
操馬匹私借與人及顧賃得財許諸人連人馬拿獲在
外送所在官司在內送本部并巡城御史叅送法司問

罪常人照依見行事例罰馬顧馬之人係官者改調外
任所行各營提督內外大臣重加禁約本部尚書馬等
題奉
旨是

凡借迎送跟隨馬

自成化六年欽奉旨各營官馬專一
喂養操練以備征戰近來有等管軍

官員阿附勢要將那官軍騎操馬匹撥送與人或跟隨
朝參或迎送往來或假以聽事并職字名目占騎或終
日在把總等官門首候候致令喂養不時傷損倒死負
累本軍賠補今後敢有違的許給事中御史并錦衣衛官
校五城兵馬連人拏送法司問罪照例追罰馬匹入官
仍將原討撥官員叅奏究治弘治二年太僕寺卿王
霽奏准移各處官員借用寄養孳牧馬匹迎接使客等
項照軍民借馬匹事例斟酌每借馬二匹罰一匹五匹
者罰二匹其官員追完日方許復職管事三年奏准
管軍內外官私占官馬及借撥與人者五匹以下降一

級以上降二級俱發邊衛立功借者一體論罪九年
給事中韓佑奏准令各該分管寺丞時常親詣所屬州
縣將所養馬匹用心看驗及密切訪察中間果有仍前
借撥官馬迎送積至疲損倒失州縣五十匹府二百匹
以上者指實衆奏將借馬官員各降一級其民間私自
馱載或借人騎坐及官司借用二匹或四匹者仍照
例問罪罰馬弘治十年兵部題為違例騎死官馬事
該巡撫寧夏都御史張禎叔奏稱寧夏靈川千戶所百
戶馬玉擅將官馬騎坐圍獵以致倒死要行禁約本部
議得今後除傳報聲息并幹辦緊急公務外敢有擅將
官馬騎幹私事及馱載貨物逐獵禽獸或搬送與人者
五匹以下罰馬一匹以上罰馬二匹十匹以上罰馬三
匹就給與無馬官軍領養騎操若致走傷倒死者五匹
以下降一級六匹以上降二級馬各抵數追賠還官仍
各革見任帶俸差操不許管事其鎮守副叅監鎗等官
擅自分付撥馬與人有違前例者奏請定集罰馬犯人

數目有無俱年終奏知覓攬馬匹奏准凡官軍將所領官馬耕田走遞馱載物件或兩人共騎或婦人騎坐者依宣德四年禁例問罪俱罰馬一匹若顧與人騎坐等項枷號半個月及借與人各彼此罰馬一匹凡在京坐營管操內外官并把總以下官若將馬匹私占騎用及撥與人騎坐者五匹以下降一級以上降二級其各邊分守守備把總管隊等官將騎操并驛傳走遞官馬撥與人騎坐及私用伺候等項亦照前例問擬嘉靖二十三年議准有將官馬顧借騎馱者照例追問仍將追罰馬匹每匹折銀十兩送太僕寺交納以備買馬之用又議准京營管操把總官占馬及送馬與人騎坐除照例降一級外其有勢要求迫者亦照例治罪

凡擅調官馬

自嘉靖二年奏准在外各該衙門未經奏准輒於所屬擅調寄養孳牧馬匹者比私

借官畜產律私自借用或轉與人及借之者各答五十追顧工賃錢入官若計顧賃錢重者坐贓論加一等倒

失者比毀失官物坐罪違者許太僕寺執奏兵部叅究
治罪 嘉靖二十年該御史謝汝儀題今後擅調寄養

孽牧馬匹者比照私借官畜產律條私自借用或轉借
與人及借者各答五十驗日追顧賃錢入官若許顧賃
者坐贓論加一等倒失者比毀失官物坐贓追賠該有
馬州縣督令應役里甲各買馬匹答應上司使客往來
差使不許擅動種兒騾馬違者照本部前項題准并弘
治年間借撥官馬降級事例施行奉聖旨是准議行

凡盜賣官馬

自宣德四年令追罰馬二匹知情和買牙
保鄰人各罰馬一匹宰殺及偷賣官羸者

亦如之首告者於犯人名下追鈔五千貫充賞凡巡馬
官每三月一換弘治十三年奏准養馬人戶盜賣官

馬至三匹以上者問擬盜官畜產罪名發附近衛所充
軍其盜賣寄養馬者亦如之知情和買者民發擺站軍
發邊方瞭哨 嘉靖二年奏准盜賣騎操官馬及照例
罰馬人犯儘產變賣買馬還官如果貧難免其追罰軍

調邊衛民發附近衛所永遠充軍遇赦不宥其各營把總地方守備等官遇前操軍盜責和馬官馬三匹以上者降一級五匹以上者罪止降二級

凡借點馬匹

自宣德九年令兵部官同御史給事中點視征操馬匹借點及借與者共追馬一匹

馬無見在及隱漏不報者查追仍勘其冒支草料加倍追納

凡下班馬匹

自宣德七年令外衛官軍原領騎操馬匹下班之日不許帶回成化元年令下班

官軍應兌馬匹而私自騎回者罰馬一匹馬官軍領騎餽養若有擅騎回衛者問罪罰馬一匹解兵部給操其原領馬匹倒失者追賠與成化元年例同

凡起解馬匹

自天順二年令官軍人等強奪起解馬匹者問罪罰馬一匹仍枷號一箇月成化

十年奏准各處解馬赴京有兜攬價值將老病攙雜驗印者俱問罪發邊衛充軍其起解馬除例應折納外有齋價赴京通同水買者問罪弘治十三年奏准凡司府州縣起解備用馬匹各要經由分管太僕寺寺丞等官驗中起解若有馬販交通官吏醫獸人等兜攬作弊者問罪枷號一箇月發邊衛充軍再犯累犯者枷號一箇月發極邊衛分充軍嘉靖二十年題准各該解馬人員不赴部寺投文通同馬販醫獸人等放買馬匹作弊者聽部寺及該城御史密切訪拏送問用大枷枷號一箇月發極邊衛分永遠充軍

凡中賣馬匹

自弘治五年奏准各邊軍民將不堪馬匹設計中賣及管軍官以私馬俵與軍士多

支官偵者官軍調邊衛帶俸食糧民及餘丁附近充軍通同作弊者枷號一箇月發落凡又奏准大同三路官旗舍人軍民人等將不堪馬匹通同光棍引起內外官處及管軍頭目收買種馬該令伴當人等出名情囑

各守備等官俵與軍士通同醫獸作弊多支官銀者俱問罪官旗軍人調別處極邊衛所帶俸食糧差操民并舍餘人等俱發附近充軍引領光棍并作弊醫獸及詭名伴當人等各枷號一箇月發落干礙內外官員奏請提問正德十六年奏准有倚勢兇攬囑託賣馬及通同官吏醫獸人等作弊估價賄官害民者俱百斤大枷枷號一箇月滿日官軍俱調極邊衛所差操舍餘人等俱發邊衛充軍官吏醫獸人等一體重治于內外勢要人員指實奏治

凡尅減草料

自成化四年令官軍勇力私賣官給草料以致馬匹瘦死者巡緝官緝拏并買主送

問弘治三年奏准把總等官尅減官馬草料者計贓滿貫發邊衛立功滿日就彼帶俸盜賣者發瞭哨買至料豆十石以上者充軍十四年奏准官軍闖支馬料委官一員管領若縱容盜賣者發邊衛立功滿日就彼

帶俸買者問罪畢日
加號一箇月發落

凡交納通同

自正德十二年該御史周鵠奏本部覆查
得前項禁例不為不嚴但該寺醫獸人等

多係積年久慣之徒百計千方瞞官作弊本以一馬今
日關節未通則稱老病不堪以致退出明日關節已通
則稱齒少無病以致驗中又有姦滑馬戶齋價赴京交
通醫販人等收買騎傷攏臙鎖渠鞭花不堪馬匹朦朧
驗依該寺官又不用心看驗嚴行禁治以致前弊益滋
合無行令該寺掌印官如遇解到備用馬匹即便查照
據原來文冊逐一親自看驗務要齒尺相應蹄腿周正
臙壯好馬方與印俵若是毛齒尺寸不同顯有抵換情
弊及揀退數多具由呈部以憑叅究其揀退馬匹
查照先年事例就於駟下用退字小印以杜姦弊

總例

萬歷二十二年四月內該兵部覆題該寺楊為欽遵明
旨條議馬銀日俱空匱財用所當議處懇乞聖裁勅下
該部預計永圖以保治安等事該題內所列款其一議
買俵而俵之議有五曰起俵解俵收俵印俵發俵其次
議寄養而養之議有六曰領養餵養點養賠養責養額
養其次議兌軍而兌之議有五曰取兌借兌交兌添兌
備兌又其次行于俵寄兌之間其議有十曰買補請討
牧地蠲貸存留查覈查納巡視舉劾事權又其次議財
用流行有三曰發帑款市法馬各一節除法馬移咨工
部議覆外為照國家之設馬政也始行種牧以備征操
繼間折徵以儲芻餉斯二者之關乎軍國非細故也故
一切俵養收兌之法本部所題請欽遵申飭不啻再三謂于
諸臣所條議及本部所題請欽遵申飭不啻再三謂于
馬政可无遺慮而不虞法紀以因循起弊人心以玩愒
生奸美意漸湮罔政斯隆誠有如該寺之所指陳者益
邇年東征西勦餉資浩繁馬匹之寄養者調兌幾空馬

價之貯藏者請發殆盡國有大祲正此其時倘事有大役必憂不繼臣等方懷長慮却顧之忱寺臣乃竭圖事撥策之詛誠謀國之忠猷深有裨于馬政者也所據依寄兌三款十六議又行于俵寄兌之間者十議及財用二議諸議之內除節經題覆見在遵行應為申飭者不敢再議外其有脩事斟酌因時制宜足以救弊補偏裨於時政者應如所議見之施行其有事關要當為酌議者如議借兌一節各州縣寄養馬匹專備京邊調兌向未有以別向借給近因倭叛交訐征勦旁午遂致紛紛奏借且以萬計及至交還則一二僅存毛齒亦異臣等謂師旅事重苛責為難姑聽之而實憂之也今寺臣特為條議亟應移咨各鎮督撫諸臣將已兌領馬匹加意愛養毋致損壞以備緩急如有別項軍情務自悉心區處不得藉口借兌及不由寺臣自行兌散仍將借兌過馬匹從實開報本部以便查覆如議請討一節該寺馬價專備京邊市馬之需自難別項支用項自東西告驚

餉費浩繁而誼切同舟事期共濟于是有以戶七兵三
資戶部者有以打造兵船資工部者又有以五萬餘兩
暫留淮揚者及薊遼各鎮海地方請增請補歲無虛日
遂致寺帑為空額費已不能支例外再難繼借應咨戶
工二部及各鎮督撫諸臣務遵屢題旨殫智分猷多方
曲處毋仍援例請借有虧惟正之供如議查覈一節歲
將備用馬匹本折二色俱管馬通判等官依期解納不
許濫委官解明例昭然乃邇來各有司官以事久玩生
任意差遣以致積年棍猾包攬乾沒或匿于家或耗于
途欺隱推延至有二三年不赴掣總批者長奸壞法莫
此為甚亟應申飭各該地方官務遵成例責令管馬官
親身押解依限掣批該寺不時查催敢有仍前怠玩即
呈兵部從重叅處仍移咨南京兵部太僕寺一體遵行
如議查納一節太僕寺收放馬價草料子粒銀兩每月
定以八日為期此欽限也乃後以偶有他故不盡依期
遂致迂延逾時久稽交納前項銀兩非耗于旅食則付

之穿窬虛費甘賠往往而是應劄太僕寺凡遇前期務會各官不拘多寡依時收兌不得以他故如廢妨議巡視一節各邊鎮騎操馬匹皆出厠寺而巡視點閱原有專責少卿每年周巡宣大薊昌等處之勅此法似不可廢但查少卿出巡久已不行在薊昌惟聽巡關在宣大惟聽巡按每年終就近查點舉劾甚為省便今若復議少卿巡歷點閱不惟邊關遼濶巡歷難周亦且地方多事恐滋勞費仍應遵照見行事規毋容紛更如議舉劾一節依寄馬匹舊係府佐官管理而東西二路少卿年終巡視查其臙壯瘦損倒失多寡知府以下分別叅治立法甚嚴近緣事隸正官遂以多務相妨槩不點驗法弛馬耗咎將誰歸應行該寺諸臣各將該管馬有司嚴加查覈果有馬政不脩損倒特甚者自知府以下不時叅處倘有未甚通候年終類叅至于知府考滿必申呈該寺查其任內馬匹錢糧有無拖欠方准給由不得徇情致隱法紀其款市一節應行各鎮督撫諸臣申飭監

市丘市文武各官凡有賞賚貿易止以貨幣充用不得
多用銀鈔既經寺臣條議前來相應酌議覆題奉欽依
依議施行

馬政紀卷十

欽定四庫全書

馬政紀卷十一

明 楊時喬 撰

草場十一

今皆徵
租折銀

嘗考同志曰稽古成周畫井分民而又頒牧地使之養
馬所以蕃孳息備武事也唐肇監牧凡善水草膏腴之
田皆為牧所而又得人司之又倣周禮為之厲禁春放
秋入莫不有法故秦漢以來唐馬最盛至余靖歐陽修

於宋拳拳請專官擇水草牧放蓋有感於其時馬政之廢也我朝於畿甸之間耕之外擇有水草處以為草場又厲之法禁是亦成周之遺意唐之舊法也乃今會典載營衛草場則曰放牧者蓋為放馬以備騎操征伐之用兩京太僕寺草場則曰孳牧者蓋為備孳養騾駒之用其後皆為豪強所侵成化末乃以不堪種者牧馬堪種者徵租迺迺者堪種之地既為豪強所侵而不堪種作水草之鄉亦為勢要占佃此草折之所以難完而民

皆苦於輸納也即此則其畜孳之息武事之備與否能如國初乎未可言也紀草場十一

營衛放牧草場

此團營在京在外各衛放牧以備騎操征伐之用者

洪武二十三年令五軍都督府錦衣旗手虎賁左右興武鷹揚金吾前後羽林左右龍驤豹韜天策神策府軍前後左右等衛各置草場於江北湯泉滁州等處牧放馬匹 二十五年罷民間歲納馬草凡軍官馬令自養軍士馬令管馬官擇水草豐茂之所屯營牧放 永樂九年兵部題奉太宗皇帝聖旨北京各衛裏見養的馬撒在草場裏牧散水草自在養得肥又無病孳生蓄息這是馬的真性不勞苦若是拴著時都生出病生瘦損了如今却又要搭蓋馬棚置辦鍋甕槽圈在房子裏又拴著這等時那馬怎莫得自在人又勞苦馬又壞了

欽定四庫全書

卷十一

這馬是朝廷大氣力已前曾說將去不知他如何不聽號令必是心下別有意思故意要將馬來壞了恁兵部便行文書去著北京各衛與養馬官軍知道今後若再不聽令時論罪不輕欽此 永樂以後錦衣旗手府軍左金吾左右大興左羽林燕山左右前中義左右前後義勇左右前後興武左後大寧中寬河會州裕陵茂陵等三十一衛五軍三千神機等營各置草場于順天保定府宛平大興等縣牧放騎操馬匹每歲春末夏初各營馬匹除例該存留聽用外其餘本部推舉坐營官一員具奏請勅管領下各該草場牧放至九月中回營其牧馬每三日演習一次下場之後本部行移該科及都察院具奏差官點閱馬匹倒死官軍逃亡領勅官按月造報如有納賄買閒不行提督致馬瘦損者點閱官指實叅奏其在邊者以四月中出牧九月初回營清查營衛 永樂十一年令御史同錦衣衛官巡視官軍牧放馬匹以後錦衣旗手等衛五軍等營各置草場于順天

等府每歲春末夏初各營馬匹除例該存留聽用外其餘兵部推舉坐營官一員具奏請勅管領下各該草場牧放至九月終回營其牧馬每三日演習一次下場之後兵部行移該科及都察院具奏差官點閱馬匹倒死官軍逃亡領勅官按月造報如有納賄賣閒不行提督致馬瘦損者點閱官指實奏其在邊者以四月中出放九月初回營永樂二十二年令戶部錦衣衛各委官查勘五府牧馬草場有妨占民田處所另撥官地與民為業弘治九年仍令給事中御史并戶兵二部委官清查各衛草場有草未墾去處仍舊牧馬已墾成田者照畝收銀解送兵部轉發太僕寺寄庫聽候買馬十八年題准在京在外金吾等衛所牧馬草場除各衛所存留蓄草牧馬外其勘定上中下等則田地原有軍民佃種者每畝上地徵銀五分中地三分下地二分又令錦衣衛場地徵銀許本衛收貯貼補馬草嘉靖九年議准每年收放馬匹放操之時下場者科管官照舊

查究其在營者行內外提督大臣在巡補者行巡補提督通行查究若把總官用心提督倒失數少者具奏旌賞若全不用心致令倒失過多徑自叅奏提問甚者坐營者一體叅究 二十二年奏准團營并神機等營馬匹量存操練其餘并東西官廳馬匹趁今啟青之期悉照舊例下場牧收 三十四年題准京營除挑選聽征馬匹照舊闕支草料外其餘瘦弱馬暫委坐營官一員帶領於近京隨便牧放舊例京營原設牧馬草場地畝歲徵租銀一萬三千五百餘兩及霸州葦銀一千六十兩五錢二分俱該營徑自徵收嘉靖七年兵部題准租銀徵解本部扣給該營二千五百兩應用內團營一千兩五軍神樞神機營各五百兩四十一一年議將餘剩租銀一萬一千兩歲解戶部四十二年以營操用銀不敷增給六千兩後又增至一萬兩俱前項租銀又霸州葦銀支用是年又議准葦銀亦徵解兵部轉發該營

在京各營衛

奮武等十二營草場坐落薊霸二州共地二千八百八十頃一十五畝九分歲徵銀八千六百七十七兩五錢七分六釐內薊州二千一百二頃四十二畝七分畝徵銀三分霸州七百七十七頃七十三畝二分各徵不等五軍營草場坐落安肅等縣共地七百九十五頃三十畝七分歲徵銀二千三百八十六兩一錢三分一釐內安肅縣三百四十頃四十三畝定興縣四百四十九頃六十四畝七分三河縣五頃三十畝各徵銀三分神樞營即三千營草場坐落霸州等縣共地六百三十八頃一十四畝一釐三毫七絲歲徵銀一千九百一十四兩四錢一分四釐一絲一忽內霸州三十二頃三畝六分四釐一毫固安縣一百九十六頃一十畝三分七釐二毫七絲新城縣四百一十頃畝各徵銀三分

神機營草場坐落香河等縣共地三百二十頃一十一畝一分八釐八毫三絲三忽歲徵銀九百六十三兩三錢一分釐四毫九絲九忽內香河縣二百八十八頃八十七畝三分五釐五毫雄縣三十三頃七十八畝四分三釐三毫三絲三忽新安縣七頃六十五畝四分畝各徵銀三分以上萬歷二十二年共查實徵一萬一千六百九十一兩一錢五分四釐九毫以上團營租銀數只此今本營不知其數凡有所用輒以本營銀在太僕寺為言當其事者亦不知其數輒任其求即與之今已額外過求屢至于數倍不得已以本寺牧養租銀應之其可繼乎後此當以此節止之

錦衣衛原額草場地二處共三百二十六頃三十六畝八分五釐坐落武清縣歲徵銀二百九十四兩二錢一分五釐以上錦衣衛自收自支不屬本寺

旗手衛原額草場地六頃二十四

畝坐落房山縣歲徵銀一十四兩

府軍左衛原額草場地四十三畝三分八

釐坐落大興縣歲徵銀二兩九錢一分

金吾左衛原額草場地八十一頃三十畝坐落永清縣
今堪種地三十四頃九畝八分歲徵銀七十九兩二錢

二分

五釐

金吾右衛原額草場地一十一頃六十三畝坐落大興
縣今堪種地九頃九十畝歲實徵銀二十九兩七錢

大興左衛原額草場地四處共一十頃一畝六分四釐
五毫坐落永清縣今堪種地八頃一十五畝五分二釐

五毫歲實徵銀二十六兩

二錢三分二釐三毫五絲

羽林前衛原額草場地四十二頃九十畝五分坐落東
安縣今堪種地二十頃六十七畝歲實徵銀九十九兩

五錢八

分五釐

燕山左衛原額草場地二處共三十一頃三十三畝坐落東安縣今堪種地一十三頃四十七畝五分歲實徵

銀一十一兩六

錢七分五釐

燕山右衛原額草場地十五頃八十畝坐落東安縣今堪種地五頃九十五畝三分三釐歲實徵銀一十一

兩一錢八分

七釐六毫

燕山前衛原額草場地二處共二十九頃一十畝七分一釐坐落永清縣今堪種地一十二頃八十六畝三分

一釐歲實徵銀三十一

兩八錢七分八釐五毫

泰陵衛原額草場地三處共二十四頃十七畝二分四釐坐落永清縣今堪種地一十七頃九十五畝六分歲

實徵銀四十三兩一

錢九分四釐四毫

忠義右衛原額草場地二十四頃四十五畝七釐五毫
坐落武清縣今以無土地減歲徵銀止五十兩五錢五

分四釐

六毫

永陵衛原額草場地二處共三十二頃二十九畝八分
坐落永清縣今堪種地二十二頃四十二畝五分歲實
徵銀四十兩

八錢三分

義勇右衛原額草場地二十五頃五十六畝六釐坐落
懷柔縣今堪種地六頃六十六畝七分歲實徵銀一十

四兩一錢

八分八釐

義勇前衛原額草場地三十五頃八十七畝五分坐落
順義縣今堪種地一十五頃三十六畝歲實徵銀二十

二兩
二分

義勇後衛原額草場地三處共九十頃三十二畝三分
坐落永清東安二縣今堪種地三十五頃一十九畝歲

實徵銀一百七兩

一錢六分七釐

神武左衛原額草場地三十五頃七十八畝六分坐落
永清縣今堪種地一十八頃四十八畝歲實徵銀四十

六兩二

錢四分

昭陵衛原額草場地三處共二百六十四頃坐落永清
縣今堪種地一百二十八頃二十九畝歲實徵銀三百

二十七兩六

錢七分八釐

忠義前衛原額草場地一十七頃四十一畝九分二釐
六毫坐落武清縣今堪種地一十一頃六十四畝七分

一釐歲實徵銀二十七

兩三分五釐九毫三絲

忠義後衛原額草場地二處共一十三頃坐落東安縣
今堪種地九頃九十八畝歲實徵銀二十五兩三錢一
分

大寧中衛原額草場地一十五頃九十一畝三分四釐
五毫坐落武清縣今堪種地一十三頃四十四畝二分

五釐歲實徵銀三十四

兩六錢八分一釐四毫

武成中衛原額草場地三頃一十九畝三分一釐坐落
武清縣今堪種地二頃七十八畝二釐歲實徵銀六兩

六分

寬河衛原額草場地一十四頃六畝二分
坐落宛平縣歲徵銀二十八兩二錢四分

會州衛原額草場地八頃二十二畝七分坐落永清縣
今堪種地七頃七十七畝歲實徵銀二十四兩八錢六
分四釐

釐

蔚州左衛原額草場地一十九頃九十畝二分六釐六
毫坐落大興縣今堪種地一十七頃五十畝歲實徵銀
五十二兩二錢五分志云五錢一釐五

龍驤衛原額草場地九頃七十畝坐落通州今堪種地
八十一畝歲實徵銀一兩六錢二分志云三兩二錢四
分

濟陽衛原額草場地二十四頃一十六畝五分四釐坐
落東安武清二縣今堪種地一十九頃九十八畝五分
歲實徵銀一百五
兩七錢三分九釐

富峪衛原額草場地八頃四十一畝五分坐落永清縣
今堪種地七頃九十八畝五分歲實徵銀三十六兩四

錢四分志云十

八兩九錢七分

茂陵衛原額草場地四頃八十八畝八分七釐坐落武
清縣今堪種地三十一畝七釐歲實徵銀一兩八錢三

分五釐五毫志云二兩

八錢六分六釐四絲

裕陵衛原額草場地二十七頃九十六畝三分九釐七
毫今堪種地二十三頃三十三畝五分七釐五毫歲實

徵銀六十九

兩五錢八分

康陵衛原額并新增草場地三十二頃六十五畝坐落
良鄉縣今堪種舊地一十二頃一十八畝八分及新地

歲共實徵銀五十五兩六分九釐

志云四十一兩二錢四分五釐

在外直隸衛分

忠義中衛原額草場地八

頃歲實徵銀一十六兩

涿鹿衛原額草場地一十五頃四十

七畝歲實徵銀六十一兩八錢八分

涿鹿左衛原額草場地五十頃三十

三畝歲實徵銀一百兩六錢六分

東勝右衛原額草場地四頃四十八

畝歲實徵銀一十二兩三錢二分

通州右衛原額草場地二十二頃五十三畝

四分歲實徵銀六十九兩五錢四分八釐

興州中屯衛原額草場地一十五頃九十六畝六分六

釐今堪種地一十三頃一十六畝一分五釐歲實徵銀

二十六兩三

錢二分三釐

營州前屯衛原額草場地三頃六

畝歲徵銀一十一兩三錢三分

遵化衛原額草場地一十七頃五十三畝

五分歲實徵銀一十七兩五錢三分五釐

保定左衛原額草場地一十九頃九十四畝三分五釐
歲實徵銀四十三兩八錢七分五釐九毫後增子粒銀

一百一十一兩

五錢六分一毫

保定右衛原額草場地四十二頃二十六畝二分二釐

六毫歲實徵銀九十二兩九錢七分七釐後增子粒銀

一百六十九兩

一錢七分六釐

保定中衛原額草場地三十一頃一十五畝八分二

釐二毫歲實徵銀六十八兩五錢四分八釐一毫

保定前衛原額草場地二頃三十五畝歲實徵銀八兩

一錢五分四釐後增子粒銀一十四兩一分八釐四毫

保定後衛原額草場地二十頃歲實徵銀四十四兩志云一百二十七兩

茂山衛原額草場地一十三頃四十九畝歲實徵銀二十九兩七錢五分

定州衛原額草場地二頃五十五畝歲實徵銀八兩七錢五分

真定衛原額草場地二十六頃八十五畝歲實徵銀七十三兩一分四釐志云八十兩五錢五分

盧龍衛原額草場地一頃一十三畝歲實徵銀二兩三錢七分

東勝左衛原額草場地二頃五十五畝歲實徵銀一十五兩九錢五分

開平中屯衛原額草場地一頃四十七畝歲實徵銀二兩九錢四分後增子粒銀一兩八錢有零改解戶部志

云四兩一錢一分

永平衛原額草場地七頃八十畝歲實徵銀三十一兩二錢志云十五兩六錢

山海衛原額草場地二十七頃二十四畝歲實徵銀八十一兩七錢二分後增子粒銀四十九兩有零改解戶部

瀋陽中屯衛原額草場地八頃七十七畝五分今堪種地四頃七畝七分歲實徵銀二十六兩六錢一分五釐後增子粒銀一十兩有零改解戶部

大同中屯衛原額草場地一十二頃今堪種地一頃四畝四分四釐歲實徵銀三兩二錢一分六釐八毫後增子粒銀五十一兩有零改解戶部志云新增子粒銀一十四兩七分三釐三毫

山東衛分

德州左衛原額草場地三十一頃三十四畝八分五釐
歲實徵銀七十一兩四分一釐後增子粒銀二十五兩
有零改

解戶部

平山衛原額草場地四頃
歲實徵銀二十一兩八錢

臨清衛原額草場地二十八頃一十五畝七分歲實徵
銀一百一十二兩八錢六分八釐以上各衛萬厯二
十二年共查實徵銀二千三百
三十兩六錢八分三釐八絲

太僕寺所屬孳牧草場

養馬餘地附

成化二年奏准差給事御史前去南北直隸河南山東
等處將牧馬草場踏勘丈量備照原設界至頃畝復立
封墩照舊牧養成化四年令北直隸京師附近係官
草場不許內外官豪執要妄指求討故役獻遺者許

科道糾劾及各衙門追究治罪 成化六年令德州天津各衛逃故軍人遺下草場為附近居民盜耕佈種者退地還官每畝量追花利草三十束不顧者每束納銀三分准作遠年拖欠之數照依時價支給京操上直官軍買草餵馬以後年分但有拖欠草束俱照例准折弘治九年奏准差官踏勘合各處牧馬草場凡占種者俱令退出內堪種地土佃與近場軍民耕種每畝徵租上等七分中等五分收貯各府州縣庫給民幫助買馬不堪種者照舊放牧馬匹 弘治十四年以草場租銀太重減額徵解太僕寺以備買馬 正德十年題准草場租銀量支幫補追併不敷馬匹餘解太僕寺仍行兩京太僕寺轉行分管寺丞管馬官將所屬租銀嚴督追解造冊送部考查 又奏准各分管寺丞親詣所管州縣吊卷清查解部送寺以備買馬如有那移侵費等弊依律叅提問追以後年分各府類收俱候次年三月以裏到部 正德十三年題准各府州縣徵租銀草場如

有水旱災傷即便從實具奏與民田一體差官勘實照依分數蠲免凡分管寺丞嚴督各州縣掌印管馬官以十分為率年終三分不完者住俸寺丞與知府管馬通判照分管州縣四分不完住俸先將原額草場地土頃畝及該徵子粒租銀數目分豁明白造冊差人齎繳正德十年太僕寺卿儲巵言臣前在霸州見工部官來按視葦箔鑣粟地其四至頃畝與原草場相同亦必草場廢弛之先渾河橫流散漫四出霸州上下漸為淤漲蘆葦旋生放牧不到當時言利之臣因其地之羨餘悉取葦箔稅然葦箔之用較之草場牧放孰重孰輕況草場自永樂初年而葦箔課起自近年其地固草場之地也邇來渾河改徙不產蘆葦又非宜徵之地乞盡蠲除使牧地無他徵之擾又今壽府皇庄等項既清查出便歸各營願自今以往重申禁條有侵逾及奏討者嚴加懲治庶私蹊可絕而牧地不混兵科給事中周用言霸州舊設草場民居稍遠極目荒曠無室宇人馬無所

隱庇露宿蒼莽之中以致暑雨蚊蟲之生噬嚙肌膚馬多瘦損士卒不樂就牧又況迤今所築封堆不過數年風消雨淋漸就平夷將復迷其處所不若緣其邊界量立鋪舍使軍士分地而牧創屋而居馬亦得以隱庇庶幾人馬有依又霸州等處見在皇庄俱在牧馬之地陛下為天下主聖母享天下之養普天率土莫非皇庄宜必於其間復私頃畝之地收數斛租然後謂之庄哉願重自裁抑罷庄田以益牧地則奏討之門自杜嘉靖元年兵部為禁奸息民以舉馬政事太僕寺少卿崔奏查處草場奸弊今照前項草場餘地曾經本部奏請差官踏勘丈量原額頃畝雖有定數但近年以來各處奏稱水澆沙壓數多若不重行清查年久恐致埋沒侵占頃畝漸寬租銀日減合無本部仍行兩京太僕寺各該分管少卿寺丞督同各掌印管馬官員將前項額數牧馬草場餘地并該徵子粒銀數逐一查算誌書圖卷所載將某府州縣原額地土若干即今實在該徵地土租

欽定四庫全書

卷十一

銀各若干差人呈部以憑重定成數後俱各照事例全徵自嘉靖元年為始年終不必會數如遇災傷等項須經撫按臨期勘報是實方准蠲免該寺將所查原額數書刻于寺本部仍增入馬政條例奉聖旨是嘉靖十六年題准有罪人犯應問擬者太僕寺徑自問擬應叅奏者從實叅奏隆慶六年題准以子粒銀給驛傳以南馬銀改京運充用仍題准萬曆二年以後不必借子粒銀兩各照正項支用先該御史蘇士潤題稱順永保河四府驛遞南馬銀兩節年拖欠以致百姓大半逃亡夫馬頭役十室九空良涿薊州三河一帶殘困尤甚乞將本處牧馬草場子粒等銀自隆慶六年為始不必解部留抵作原派南馬銀兩其南直隸江浙等處應解各府馬價改解本部以抵牧馬草場等銀後該彰武伯楊等題稱驛遞疲累禁革冒濫可也南馬拖欠嚴限催徵可也止當就事正法不當因事變法驛遞固疲累矣營衛在今日難以臆壯騰踴者言南馬銀固拖欠矣子粒

銀在今日亦難以完報如期者諭且南馬拖欠固以京營子粒銀補之以恤驛遞營中操演犒賞之費修理供用之費金鼓旗幟之費每年不下萬兩如有拖欠將安取給懇乞俱歸正額兵部覆題隆慶六年併萬厯元年准將子粒銀兩各照數借給各驛遞支用萬厯二年以後不必借子粒銀兩各照正項支用萬厯三年議准以後拖欠子粒租銀及馬價錢糧該管官員三分四分以上罰俸一月五分六分以上降罰一級七分八分以上降俸二級催督完日准復萬厯二十三年本寺題牧地古園師養馬冬寒燠以廐夏炎涼以庋國初出則牧地入則苑監即此意也其後苑監廢南北太僕京邊皆有草場乃養馬驛駒民不擾者藉此後因豪右占為庄地牧養無所馬乃不足先臣屢奏欲責牧養必先復此請令豪右庄地還官民間地退出免其租稅緣豪右占據日久民腴地投獻欲查未能近印馬御史僅請冬寒馬病聚州縣城內或空閒處或寺觀醫之燠之待長

愈乃令領歸亦未能行今諸地先在官今在民志冊可見者又前勘明荒地銀馬皆減議為牧地者皆當查明給與俟寄民領養可矣第與屯地易混今屯田御史兼馬政誠叅勅下嚴責倘有豪右阻撓容其盡法以治且專委期成之又有昔存今廢昔蕃今荒昔平衍今堆塞各州縣屢以為言者今照例查明或暫減數或久免徵此牧地之議也

直隸府分

順天府二十七州縣原額草場地共一千八百四十六頃四十四畝四分六釐一毫內堪種地一千四百九十六頃八十九畝一分一釐一毫歲徵銀一萬一千四百四十七兩九錢五分六釐三毫七絲
北直隸大名府十一州縣原額草場地共三千一十四頃二十五畝八分八釐二毫內堪種地八百五十四頃

九十六畝三分八釐七毫歲徵銀除例減外實徵一千一百二十四兩八分二毫五絲長垣縣後增子粒銀七兩三錢八分三釐三毫養馬餘地一萬五千八百六十一頃八十二畝三分一釐歲徵銀除例減外實徵二萬六千一百五十四兩九錢二分八釐二毫二絲四忽萬歷二十二年查收大名府十一州縣子一千一百二十四兩八錢八分三釐二毫五絲

保定府十三州縣原額草場地共三千九百七十三頃九十四畝四分五釐一毫八忽內堪種地一千一百三十二頃四畝一分四釐九毫歲徵銀除告豁撥給外實徵二千五百一十九兩四錢七分四釐四毫後增子粒銀二千三百七兩有零嘉靖四十一年改解戶部萬歷二十二年實徵二千五百五十一兩三錢八分二釐七毫

易州等七州等原額草場子粒地共二千二百一十八頃八十四畝三分一釐除告豁撥給外仍該草場地一千三百四十二頃三十七畝六分七釐內堪種地六百四十頃七十六畝二分八釐歲徵銀一千一十九兩一錢七分九釐八毫六絲後增子粒銀一千七百二十七兩七錢六釐九絲葦草子粒銀一百八十八兩七錢九分二絲萬歷二十二年實徵子二百九十兩四錢八分五釐三毫六絲養馬餘地一千七百六十六頃五十二畝有零歲徵銀二千三十八兩有零萬歷二年題准免徵

順德府九縣原額草場地三千六百四十二頃一十二畝六分內堪種地一千四十五頃四十四畝九分歲徵銀二千五百六十四兩二錢七毫六絲五釐後增子粒銀一千六百五十六兩有零改解戶部養馬餘地二千四百一十頃五十八畝有零歲徵銀四千九百一十兩有零正德十六年題准免徵萬歷二十二年實徵二千

五百六十四兩二錢七釐六絲五纖

廣平府九縣原額草場地一千八百八十二頃七十六畝二分內堪種地五百五頃六十五畝六分歲徵銀一千四百四十二兩八錢五釐後增子粒銀七百一十四兩有零改解戶部養馬餘地四千九百五十頃二十七畝有零歲徵銀九千九百兩有零嘉靖二十七年奏准免徵萬歷二十二年實徵一千四百四十二兩八錢五釐

真定府三十一州縣原額草場地五千四百六十四頃一畝四分二釐五毫內堪種地二千六百八十六頃四十六畝二分七釐八毫內歲徵銀六千五百八十八兩二錢九分八釐八毫一絲五忽後增子粒銀四千七百八十六兩有零改解戶部養馬餘地一千三百七十四頃八十四畝四分七釐三毫一絲歲徵銀二千八百一十

三兩四錢四分二釐三毫七絲九忽萬歷二十二年實
徵六千五百九十一兩三錢三分二釐七毫一絲五忽
河間府十五州縣原額草場地一千九百七十五頃六
十畝三分七釐內堪種地七百九十二頃九十畝一分
四釐九毫歲徵銀除奏減外實徵一千六百五十三兩
九錢八分九釐二毫四絲後增子粒銀二千二百四十
六兩有零改解戶部萬歷二十二年收河間府十五州
縣子粒一千七百六十一兩九錢五分四釐一毫四絲
靜海等三縣原額草場地共一百二十六頃七十二畝
六分五釐內堪種地共七十頃一十畝八分三釐每年
徵銀二百一兩七錢九分六釐五毫後增子粒銀五百
一十六兩有零改解戶部養馬餘地三千一百五十八
頃八十三畝有零歲徵銀六千四百六十五兩有零萬
歷二年題准免徵萬歷二十二年實徵一百七十五兩
七錢八
釐九毫

永平府六州縣原額草場地一百七十五頃八十八畝
五分歲徵銀四百三十二兩四錢七分五釐五毫後增
子粒銀二百六十七兩有零改解戶部養馬餘地一
千八百四十四頃七十七畝有零歲徵銀三千三百十
七兩有零嘉靖十年議准免徵萬歷二十二年實徵永
平府六州縣子四百三十二兩四錢七分五釐五毫

河南府分

河南開封府七州縣原額草場子粒地八頃二十三畝
四分八釐二毫歲徵銀三十二兩九錢三分九釐三毫
二絲萬歷二十二年實徵三十
二兩九錢三分九釐九毫二絲

歸德府考城縣四州縣原額草場地四十畝歲徵銀一
兩六錢八分萬歷二十二年實徵歸德考城四州二縣
子一兩六
錢八分

山東府分

山東濟南府二十九州縣原額草場地四頃四十八畝一分六釐五毫一絲二渺歲徵銀六兩八錢九分三釐

二毫五絲萬歷二十二年實收濟南府二十

九州縣子八兩九錢一分三釐一毫三絲

兗州府二十五州縣原額草場地一百八頃三十六畝

五分八釐內堪種地六十四頃九十二畝六分歲徵銀

二百七十八兩四錢四分七釐八毫萬歷二十二年實

徵兗州府二十五州縣子二百三十二兩一錢九分一

釐六

毫

東昌府十八州縣原額草場地八十七頃六十九畝五

分八釐內堪種地七十四頃五十五畝五分八釐歲徵

銀二百九十二兩六錢六分三釐六毫萬歷二十二年

實徵東昌府十八州縣子四百三十三兩七錢二分三

整八毫三
絲一忽

南京太僕寺孳牧所屬草場

成化二十三年南京太僕寺寺丞奏准查勘原額草場
項數畧至明白理立封堆將高埠低窪止勘牧馬地土
責付養馬人戶輪流管顧牧放中間果有肥饒地土空
閒堪以開墾成田看驗項畝撥與有力馬戶耕種依佃
種官田事例所收花利不拘銀穀依時計估量納別置
倉庫收貯其有曾經開墾成田耕種年久徵納子粒者
一體清查徵收中間被人包占種作或侵占界至各許
自首還官免徵收如遇俵解馬匹也有災傷人戶逃移無
處湊買并十分貧難出辦不前酌量支給以備定數只
許用助馬政不許別項支銷待後養馬數多停免耕種
照舊牧放弘治元年奏欽依內事理各州縣將清查
過牧馬草場坐落地名并項畝四至方圓於公廳內鐫

立石牌以為日後憑據其草場地土以近就近分撥與各衛養馬人戶專一牧放馬匹各於四至築立高大封堆以後不許占種其原納子粒悉行除豁弘治二年南京兵部尚書張鑒奏准南京各該衛所有牧馬草場被人侵占起科納糧差南京各部各屬官及同太僕寺寺丞查理還官弘治四年御史胡海潘楷等奏准均平除豁去荒地蓄草牧馬外其原佃軍民耕熟者照舊給與承佃南京各衛所草場每畝收銀一錢其餘各處地土肥饒者每畝出銀七分中等五分瘠薄者四分照數徵完貼補買馬不許別項那用每年終將收過地畝銀兩數目造冊繳報查考六年始議分三等課租大約江南府州縣上畝七分次五分又次四分江北每等各殺其二弘治七年都御史張瑋奏南直隸鳳淮揚廬四府徐滁和三州草場與養馬人戶住居寫遠俱各不來牧放置於無用要查出召民佃種准行南京兵科給事中倪天民御史李宗酒兵部主事周夔會同分管

寺丞清查丈量各於四至築立峯墩為界仍建立石碑將草場坐落地名并頃畝四至鐫勒為後証地土分撥近場軍民人等佃種上等田七分中等田五分子下等田四分弘治九年都御史史琳奏稱租銀太重乞要量減上地每畝納銀五分中地三分下地二分弘治十三年戶部會同兵部等衙門題准各處草場租銀照比較馬政事例嚴併追徵州縣管馬官員以十分為率年終三分不完者住俸寺丞與知府管馬通判照分管州縣十分為率四分不完者一體住俸俱候完日關支正德十一年南京太僕寺卿楊褫題准租銀與空閒地土銀兩照例嚴督管馬等官追徵完足依限解部發寺收貯以備京邊買馬支用若年終不完照例住俸若擅自別項支用及有侵欺挪移情弊即便查究追完正德十一年御史周鵬題稱南直隸八府三州民既出馬又徵其馬場之租負累窮民要將地畝租銀盡歸養馬之人該兵部查前項原議牧馬草場與養馬人戶住居

寫遠不來牧放者方召人佃種徵租今若一槩通免誠恐種地之人幸免起科養馬之戶不沾實惠准行查勘各該州縣但係報冊佃種牧馬草場地戶中間果係養馬人戶自種草場地土照依所奏免科若不係養馬人戶佃種仍依原擬徵租解部正德中議勘係馬戶自種者免徵嘉靖八年御史秦武奏廬鳳淮揚牧馬草場係馬戶自種者乞免追租以助備用馬價之費平民佃種者與貧民佃種屯田同罪嘉靖八年南京太僕寺卿王崇獻奏稱廬鳳等處草場租銀已經具奏免解其應天太平鎮江寧國四府廣德州建平縣草場租銀未經勘免准照廬鳳淮揚等府州縣事例一體免解貯庫都御史唐龍題准廬鳳淮揚四府徐滁和三州草場租銀免其起解收貯各該州縣每年例該坐派本折色馬匹幫助馬戶買馬不許別項支用嘉靖十年都御史劉節題准廬鳳淮揚四府徐滁和三州一應草場除馬戶種者照前免徵其小民承佃該納租銀自嘉靖十年

為始俱免解部每年徵收在官如遇派到備用并騎操馬匹或本折色查前銀先儘扣作無田養馬人并逃亡之家各所辦之數有餘方許難助有田馬戶仍逐年造冊繳部本寺奏准今後佃種草場租銀收貯各該州縣官庫凡遇派到備用馬匹給與馬戶湊買先儘無草場人戶及包販逃絕之家次及有草場人戶租銀數盡方查照馬戶均派湊補嘉靖十年差御史張心勘定荒熟頃畝三等則例科收其節年損益宜少變前制十二年議准於場地應徵銀內各照起依馬數每匹扣留一兩以備災傷逃移支給餘悉解部發寺以備不時買馬嘉靖三十年南京太僕寺少卿雷禮奏稱租銀各州縣每該解依馬一百匹量留銀一百匹其馬多銀少者則盡數收貯官庫以備地方災傷買馬其餘無馬去處悉照舊例解部轉發太僕寺收貯買馬支用但各州縣官多有怠忽不行催徵其徵收在官者多有那借侵欺奸弊百出漫無稽考該兵部題准委官俱逐一清查

如有邪借侵欺等弊就彼從重問遣其勢豪侵占不納租銀者悉聽指名叅處治仍行各該撫按衙門今後不許將前項銀兩擅支三十五年議准題請勅書關防專委南京兵部主事一員清查管理隆慶二年題准每五年行各軍衛有司清查造冊奏報萬歷四年議准扣留備災者各解南京太僕寺收貯照災酌助以免隱欺

應天等八府州分

應天府八縣原額草場地共一千四百四十五頃五十八畝八釐七絲一忽
徵內堪種地三百九十四頃七十九畝八分八釐五毫三絲
歲徵銀一千七百一十四兩二錢一分九釐八絲二忽八微
南直隸鎮江府三縣原額草場地共一百五十一頃八十一畝六分八釐九毫內堪種地八十七頃四十五畝

八分五釐二毫歲徵銀三百八十

一兩七錢三分七釐六毫四絲

太平府三縣原額草場地共六百二十二頃六十畝九分八釐七毫四絲內堪種地二百七十頃七十畝九毫

六絲歲徵銀一千七十三兩一

錢七分二釐五毫二絲四忽

鳳陽府五州十三州縣原額草場地共四百八十頃七十七畝六釐四毫八絲內堪種地二百七頃六十六畝

二分七釐九毫八絲歲徵銀六百五十

一兩七錢六分三釐二毫三絲八忽

廬州府二州五縣原額草場地共六百七十頃五十八畝六分九毫四絲三忽六微內堪種地二百四頃八十

一畝四分七釐八毫五絲五忽四微歲徵銀八百六

十二兩二錢開分四釐六毫四絲九忽九微六纖

淮安府二州九縣原額草場地共七百九十二頃八十四畝四分三毫三絲內堪種地六十四頃五十九畝七

分五釐四毫歲徵銀一
百八兩九分二毫五絲

揚州府三州五縣原額草場地共一千三百六十七頃
七十六畝二分七釐五毫五絲一忽五微內堪種地一
千一百八十四頃五十六畝五分六釐一毫五絲一忽
五微歲徵銀二千七百五十九兩五錢九分八釐七毫
二絲六忽五微

以上嘉靖十年勘定數其後歷年間墾加增不等每歲
各府共徵銀一萬九千一百九十一兩復經題准減免
三千一百三十三兩至隆慶二年實徵銀一萬五千三
十兩以上自萬歷九年盡革種馬後牧地俱入官見
徵子粒租銀隨年徵解原無
定數各府州縣徑解太僕寺

各邊草場

洪武三十年定北邊牧馬草場自東勝以西至寧夏河西察罕諾爾東勝以東至大同宣府開平又東南至大寧又東至遼東又東至鴨綠江又北去不知幾千里而南至各衛分守地又自鴈門關外西抵黃河渡河至察罕諾爾又東至紫荊關又東至居庸關及古北口又東至山海衛凡軍民屯田地不許牧放其荒閒平地及山場腹裏諸王駙馬及軍民聽其牧放樵採在邊所封之王不得占為已場妨害軍民正統八年寧夏右叅將都指揮僉事王榮奏寧夏官馬永樂中每年四月於高臺寺至陸墩沿河一帶于地闢草蓄之處牧放比至五月移高家開白烟墩觀音湖涼爽水冷處近年河灘沿山草場皆為總兵等官占牧私畜或開墾成田以此官馬俱於馬窩墩牧放遠城二舍非惟馬不蕃滋有急亦難調遣請勅陝西布按二司勘定界限置草場牧放為便命叅贊軍務都御史履視以行成化十年令陝西榆林等處近邊地土各營堡草場界限明白敢有挪移條

款盜耕草場及越出邊牆界石種田者依律問擬追徵
花利完日軍職降調甘肅衛分差操軍民係外處者發
榆林衛充軍係本處者發甘肅充軍隆慶五年題准
陝西丈過苑馬寺牧地計算熟地三萬頃養馬一萬匹
餘熟地五萬頃該寺分別三等徵銀共四萬五千兩解
固原兵道收作軍餉每年該鎮照數查扣主兵銀兩
六年清查寧夏牧地內將一千四百四十餘頃斷歸慶
府及平樂所耕種二千八百九十餘頃分別三等州地
每頃徵租銀一兩五錢坡地一兩山地五錢以抵本鎮
軍餉支用萬歷二年以北虜開市議准大同鎮於中路
建立六場西路四場東路陽和一場宣府鎮於中北東
南上西下西六路各建一場每場養馬三百匹擇有水
草處隨便建置將每年餘剩馬匹立羣設校委
官管領如法牧放陽和另立小場以牧貢馬

馬政紀卷十一

欽定四庫全書

馬政紀卷十二

明 楊時喬 撰

各邊鎮行太僕寺苑馬寺茶馬司十二

書曰明王慎德四夷咸賓此謂內順治語曰天子有道
守在四夷此謂外威嚴皆國家閒暇所當早見而預謨
者我太祖高皇帝驅強敵於漠外北邊置遼東山西陝
西甘肅諸巨鎮各設行太僕寺理各州縣及衛所軍民

成祖文皇帝徙都北平即今京師六駕敵庭邊地咸平
而以古幽冀地處諾延三衛附邇京師慎守斯難各于
遼山西甘設苑馬寺理監苑官牧又有洮河等三茶馬
司四川茶馬司以易番馬環地理以周長計之東自鴨
綠西抵松潘幾萬里皆古燕趙晉秦故地所謂戎馬之
場者也其後草北平又草甘肅苑馬寺又草山西行太
僕寺嘉靖間裁減遼東行太僕寺苑馬卿少卿諸官以
司道兼管馬政惟陝西二寺如舊亦皆兼管司道兵備

事務其所沿革日異條治屢更其于順治威嚴未知其
于二祖舊章不愆不忘為何如者在諸寺司各有志事
體亦于太僕寺無預不俟紀特以皆屬馬政謹畧以其
設寺司建官聯初蹟紀之以昭馬政大凡云

各行太僕寺

洪武三十年二月十三日後軍都督府同五軍都督府
官早於奉天門奉聖旨如今山西等都司開設行太僕
寺愆都督府行文書去說與都司衛所知道這箇衙門

職專提調馬匹比較孳生但有作弊虧欠馬匹許令本寺舉問品職雖小所掌事重如同御史出巡按治該管指揮千百戶衛所鎮撫首領官吏務要將所養一應馬騾盡數開報聽從本寺官點視提督敢有非禮抗拒許本寺官奉聞拏問欽此

山西行太僕寺

今草

寺在太原府治城內卿一少卿一寺丞一主簿一職掌管轄山西都司所屬太原左等衛所并山西布政司所屬州縣驛官軍民壯土兵騎操孳牧馬騾并駒太原左太原右太原前平陽鎮西汾州安東振武朔州

潞州等衛又保德州山陰沁州寧化馬邑等千戶所關
其後闕年裁革卿少卿各官以口北等道懷來等道
各司道管理本鎮馬政
隆慶以前尚存主簿一

遼東行太僕寺

今革

寺在遼東城內卿一少卿一寺丞一主簿一職掌
比較印烙遼東都司所屬定遼等二十五衛所騎操馬
匹定遼左定遼右定遼中定遼前定遼後鐵嶺東寧
瀋陽中海州蓋州金州復州義州遼海三萬廣寧左屯
廣寧右屯廣寧中屯廣寧前屯廣寧後屯廣寧廣寧左
廣寧右廣寧中寧遠等衛弘治二年該太僕寺卿王
霖奏于永平府所屬州縣選取孳牧堪以作種馬一千
匹送至山海關著落該寺差官帶領軍士前來領回作
種其後祇卿一嘉靖間年間卿仍舊隆慶間年裁
減以遼東寧瀋陽等道又以開原等道各司道管理

本鎮馬政見
存主簿一

陝西行太僕寺

今照舊

寺在平涼府東 洪武初於指揮秦虎宅治事三十年
建今處卿一少卿一寺丞二主簿一 職掌管轄陝西
都司所屬西安等二十八衛鳳翔等二十六所沿邊營
堡府州縣官軍民壯騎操并印烙苑馬寺比較固原平
涼慶陽秦州四衛孳牧 嘉靖三年該御史陳奏設添
少卿一分管地方一在延綏一在寧夏駐劄其正卿專
理堂事併巡視附近固原等衛監苑馬孳牧馬匹其寺
丞監開洮河漢中潼關鳳翔等其後草寺丞一員 嘉
靖七年以少卿寺丞分管各府地方馬政事例行令二
寺分管內陝西都司所轄衛所令陝西行太僕寺卿寺
丞分管陝西行都司所轄衛所令甘肅行太僕寺卿與
寺丞分管 宣德七年令法司及陝西布按二司雜犯

死罪應充軍者發陝西行太僕寺養馬嘉靖間各官如
舊隆慶間年裁減至萬歷間年又以卿少卿不能統
攝各府州縣體勢難行馬政日壞始議兼司道帶管各
兵備事務至今以卿一兼司道總理中路馬政駐劄平
涼少卿兼司道一分管東路駐劄平涼一分管延綏駐
劄定邊又以靖虜兵備司道管本鎮馬政見存主簿一

甘肅行太僕寺

寺在行都司城內卿一少卿一寺丞二主簿一職
掌比較印烙行都事所屬甘州等十二衛鎮夷等三所
騎操馬匹甘州左甘州右甘州中甘州前甘州後永
昌涼州莊浪鎮番山丹西寧肅州等衛古浪鎮夷莊浪
等千戶所正統三年草苑馬寺馬人此本寺亦如
陝西例卿一兼司道總理馬政駐劄甘州又以莊浪兵
備兼理莊西馬
政見存主簿一

以上各行太僕寺

各苑馬寺

永樂三年初設陝西及甘肅二苑馬寺永樂四年設北平苑馬寺遼東苑馬寺成祖先命甘肅總兵官西寧侯宋晟寧夏總兵官左都督何福度地設置又勅晟等曰今設苑馬寺以廣孳牧每寺統六監監統曰苑寺置卿少卿寺丞監置正副苑立圍長以率牧馬之夫春月草長則放馬入苑冬月草枯則收飼之今先設四監爾處

應有牧馬宜分配與之凡回回韃靼以馬至者或全市或市其半牝馬則盡市之以給四監其監之未設者即按視水草便利可立處遣人以聞馬政重事其加意精思有可行者悉宜條奏毋有所隱凡苑視其地里廣狹為上中下三等上苑牧馬萬匹中苑七千匹下苑四千四苑有圍長一圍長率夫五十每夫牧馬十匹

遼東苑馬寺

寺在都司治西 永樂五年設弘治間撫臣奏移於蓋州南永寧監 正德間奏復遼陽城即舊察院改為苑

馬寺卿一少卿一寺丞二主簿一六監二十四苑昇平
監管甘泉古城安山河陰四苑新呂監管夾河馳山龍
堂耀川遼何監管黃山石城沙河馬鞍山高平長川四
平川平山新安廢平安市監管南豐名山高平長川四
苑永寧監管復州深河龍潭清河四苑設監正副各監
錄事一苑設園長一永樂十九年苑馬寺卿方奏請
裁革苑馬寺令行太僕寺領之上命行在吏兵二部議
苑馬舊例不可革苑馬寺留卿丞主簿各一永寧監正
錄事各一後丞革止存卿一主簿一監正一園長二後
裁去監五苑二十有二正統十一年又設復州龍潭
二苑景泰四年裁革止存永寧一監清河深河二苑
嘉靖年間照舊隆慶間年裁減冗員又以官多馬少
併入行太僕寺卿軍人以遼海東寧瀋陽司道閑原司
道各兼管本鎮馬政于是馬政太僕俱革其官民牧不
分今見存主簿一永
寧監正一管理二苑

陝西苑馬寺

寺在平涼府東八十步 永樂四年於指揮杜諒宅治
事十五年建今處卿一少卿二寺丞四主簿 六監
三十四苑長樂監管開城廢寧安定弼隆四苑靈武監
管清平慶陽萬安定邊同川監管天興安勝永康嘉四
苑威遠監管武安泰和隴陽保川四苑熙春監管康樂
會寧鳳林香泉四苑順寧監管雲驥永昌昇平延寧四
苑監設正副各一苑設圍長一 弘治二年巡撫都御
史蕭禎奏請裁草少卿一寺丞三長樂靈武每監監副
二 弘治十七年都御史楊一清題復寺丞二廣寧黑
水清平萬安圍長各一後復裁革止存正卿一 宣德
間廢同川等四監弼隆等一十九苑存長樂靈武二監
長樂轄開城安定廣寧三苑靈武轄清平萬安二苑
成化間巡撫都御史余子俊奏將先年裁革甘肅苑馬
寺撥來黑水口養馬恩軍一百名添設黑水苑屬長樂

共二監六苑嘉靖間如舊隆慶間年裁減寺丞萬曆
間年後至今一如行太僕寺例本寺卿一兼僉事總
理馬政駐劄平涼少卿一兼僉事分東路馬政駐劄平
涼主簿一見存黑水開城安定廢寧武安清平萬安七
監各監

正一

甘肅苑馬寺

今草

寺在甘州城卿一少卿一寺丞二主簿一四監二
十四苑春泉監管廢收紅崖麒麟溫泉四苑祁連監管
西寧永安大通古城四苑武威監管和寧洪水大川寧
省四苑安定監管武勝大山永寧青山四苑又多廢損
故有是命永樂十三年遣御史三員巡陝西茶馬
正統十四年停止茶馬金牌後每歲遣行人四員巡
察私販自潼關以西至甘肅等處通行禁革番性少食
五穀日用乳酪非茶不飽以茶易馬彼此俱利後因為

北邊數警故暫停前例而又恐私茶盛行官茶阻滯故
歲遣行人巡禁之 成化二年復命以茶及青標易馬
兵部題陝西各邊正在禦敵節奏缺馬征操令陝西布
按二司各委官前去查勘比先年間運去官茶盤驗中
者就彼互市茶如不敷暫那戶部銀五萬兩送去糴買
青標換兒驢馬給軍騎操騾馬送苑馬寺作種候邊方
馬數充足停止 成化三年罷行人巡茶歲以御史二
員更替巡視市馬就行給與邊軍騎操北邊告警官軍
不得前去交換茶馬司堆積年久朽爛而各處官豪勢
要販買作弊私茶盛行巡撫項忠議以行人巡視人不
知忌改差御史照興販私茶事例懲問人知畏法不敢
違犯則番人自然用馬交易前項見在官茶就附近城
垣去處互市所市上中等馬酌量增添給軍騎操 成
化七年准御史領勅巡撫陝西馬題稱先年易馬俱係
重臣賁執金牌親詣番族今既專委巡茶御史必得齋
捧勅書庶可懾服外夷 成化十一年罷御史仍以行

人巡視及行布按二司委官招番買馬 成化十四年
復罷行人改遣御史一員領勅專理茶馬每歲一代遂
為定例其易馬須四歲以上六歲以下高大堪中者方
准收買兒驕馬就彼給各邊騎操騾兒送苑馬寺孳牧
如有縱容軍民通同中賣老病馬匹者御史同兵備及
苑馬寺官驗視退回仍指實叅究 成化十五年令巡
茶招番易馬不拘年例願來者聽後茶馬不行西番時
入侵擾 成化十九年西番潘松等族反巡撫都御史
馬文昇調兵征勦斬首八十三級 弘治五年奏准每
年招易毋多增馬數坐派軍衛逼令漢人代納及收買
不堪以致倒死負累解送官舍補賠吏部聽選監生吳
惠奏准稱招番茶易馬之時止許兩平交易堪以騎操
孳牧大馬不許坐派漢人代納及多增無用小馬本部
議行陝西巡茶御史每年易馬務要看驗堪中騎操孳
養之數不拘多寡發去苑馬寺各監牧養并各邊給軍
騎操毋再多增馬數坐派軍衛逼令漢人代納却作番

人姓名及收買矮小不堪馬匹負累解送官舍賠補兵部覆題奏聖旨是弘治八年議准招易馬匹兒駒馬要四歲以上不必解寺就給與各衛領養驃馬亦要高犬發苑馬寺作種瘦損倒失者比較追賠弘治十年奏准茶易馬除就彼給軍外其餘差官陸續解赴苑馬寺交割俵養陝西苑馬寺卿羅綺奏稱洮河西寧茶易番馬俱肥壯無病差舍餘管解通同受財抵換又將沿途應付草料剋減今後務將易完茶馬除兒馬駒馬給邊騎操外將發寺收養馬匹或一百匹或二百匹為一運選差素有廉恥千百戶一二員沿途經過去處差撥人役餽飼牽送至前途官司一體應付解赴苑馬寺交割發去監苑給軍領養敢有似前剋減草料瘦損倒死及盜賣抵換馬匹者事發解官提問監候追完日發落弘治十五年詔御史用心巡理勿再召商中茶監察御史王紹奏洪武永樂間茶馬之法三年一次官運保寧等處茶於西寧等茶司易馬後此例不行仍取漢中

等處民納茶及巡獲私茶充用歲遣行人巡視成化初
始專差監察御史當時易馬歲以萬計加之寺監所牧
足給邊用近年以來十不及一益緣私茶之禁不行而
召商報中之弊復有以啓之請停開中之例仍以民間
所納并巡獲私茶與番馬及時互市弘治十六年准
奏仍命三年一次齎奉金牌發茶易馬楊一清以巡撫
兼茶馬上疏言唐世回紇入貢已以馬易茶至宋熙寧
間乃有以茶易馬之制所謂以摘山之利而易充廩之
良戎人得茶不能為我害中國得馬足以為我利計之
得者宜無出此至我朝納馬謂之差發如田之有賦身
之有庸必不可少彼既納馬而酬以茶我體既尊彼欲
亦遂較之前代曰互市曰交易輕重得失較然可知國
初處降夷各分部落隨所指撥地方安置往劄授之官
秩聯絡相承以馬為科差以茶為酬價使知雖遠外小
夷皆王官王民志向中國不敢背叛且如一背中國則
不得茶無茶則病且死以是羈縻之賢於數萬甲兵矣

此制西番以控北邊之上策頃自金牌制廢私販盛行雖有撫諭巡茶之官卒莫之能禁坐失茶馬之利垂六十年豈徒邊方缺馬騎征將來遠夷既不仰給我茶敢謂與中國不能干涉意外之憂或從此生乞遣廷臣齎捧上號金牌會同臣等不須動調官軍深入番族止在三衛住劄調取原降下號金牌納馬給茶厚加賞勞事完齎繳金牌以後三年一次奉行中間二年仍照常曉諭有情願者聽來將馬易茶敢有不受約束招調不來量調番漢官兵問罪誅勦以警其餘先是李東陽嘗論茶馬云馬者士之所資況與敵戰尤為急務茶馬之制其上馬為斤八十中者六十下者四十最為西邊大利自金牌制廢私茶盛行有司又屢以敝茶給番族甚或有賊殺其人者番既憾於失信又利於私易亦往往以贏馬應故事使番地多良馬而西邊闕於用甚為非便臣謹按王忠嗣在朔方河東互市高估馬價諸國爭賣馬於唐邊馬少唐兵益壯今宜勅禁御史及陝西布政

二司揭榜招諭明立恩信復金牌之制嚴收良茶頗增舊價上者二百下者亦不減一百彼貪於高價則私市不得行我便於多馬則微利不足卹以一歲八十四萬之課所得亦不減千五百匹此亦修馬政之一端也正德十年議准領馬官軍每年冊限三月以裏齋赴巡茶御史驗撥軍限八月以裏到彼交兌違者行該衛徑申巡撫都御史究治限外冊過兩月軍一月不到聽斟茶御史叅究各經該官吏其洮河延寧馬匹亦要隨斟酌通融派撥嘉靖元年西番反鎮守都督鄭卿領兵討之不克以後每歲入境殺擄人畜嘉靖八年西番數至鞏昌寇掠殺官軍焚廬舍隴右之民深被其毒總制尚書王瓊破若籠板爾二族撫定木舍等七十族西番始寧嘉靖十一年議准西寧洮河三茶馬司貯庫商課茶斤及西寧等衛并徽階等州牧貯私茶俱送三茶馬司不拘常例竊細搭配招易騰壯馬匹開送總制衙門給軍騎操事完造冊奏聞仍造清冊送部查考

嘉靖三十年題准改造勘合分給諸番每歲依期齋執
前來比號納馬酬以茶斤如有背違調軍征勦又題
准年例馬完番有餘馬司有餘茶許其增種解牧洮州
增至一千二百五十匹河州增至一千七百四十匹西
寧增至二千四百三十匹嘉靖三十一年題准馬政
茶法二事相須准令巡茶御史兼管馬政督理二寺事
務嘉靖三十七年議令茶商收買民馬抽稅給票許
其販賣禁其夾帶嘉靖四十年仍禁止茶商販賣民
間馬匹官為買用嘉靖四十一年議准甘州建置茶
馬司一所照例招商中茶招番易馬仍將西寧舊額茶
馬甘州新開茶馬俱招中酌量地方遠近通融給軍騎
操仍將四川折色課茶改徵本色運用嘉靖四十三
年題准以後每年開茶仍止五六十萬斤商人以一百
五十名為止臨川監管暖川大河岔水邑川四苑宗水
監管清水黑城吳都永川四苑監正副各一苑團長一
正統四年俱裁革併于甘肅行太僕寺於是二寺為

以上各苑馬寺

陝西三茶馬司馬

中國臨撫四夷西番之夷不深為中國患以番所利于中國者茶得之則生所謂中國能制番夷之命者以此地輿志近番黃河南有洮河二州北有西寧皆漢郡唐末陷于吐蕃宋為夏元昊所據聖祖洪武初于洮州河州西寧各設茶馬司三年一遣官齎金牌信符招番對

驗納馬九邊志曰議者謂聯屬西番須復茶馬彼得茶而常懷向順我得馬而益壯邊戎番族歸海竄居之部可併力而驅之矣近者疏議則曰惟祖宗舊制有金牌示諭番人以茶易馬成弘前遵此法行馬稱蕃息正嘉以後此牌寢閣臺臣奉勅歲巡邊止憑各兵道將領委官縛約衆番名曰招易祖宗舊制既更而且近年以來徃徃求增額外之數以致番夷過期而不至馬數逾年不完皆緣金牌廢置朝廷不尊斯外夷不信今兵科現

有金符二面規制字樣與誌書所載相同宜查照先年事例將金牌遞發巡茶御史遵奉施行勿增數以貽累苑牧勿惜茶而虧苦番民以復祖宗舊制其于國體牧政均大有裨矣

洮州茶馬司

在洮州衛治西永樂九年建大使副使各一馬額火把藏思曩日等族牌六面納馬三千五十匹

河州茶馬司

在河州衛治東南洪武七年建大使副使各一馬額必里衛二州七站西番二十九族牌二十一面納馬七

千七百

五匹

西寧茶馬司

在行都司西寧衛西洪武三十年自秦州改建大使副使各一
默音庫森阿端罕東安定四衛巴哇申冲申藏等族牌一十六面納馬三千五十四以上共三衛番族金牌四十一面該納差發馬一萬四千五十二匹上號在內收貯易時齋驗上馬給
茶八十斤中馬六十斤下馬四十斤

洪武間年議定每三年一遣廷臣召各番合符以應納差馬交納易茶有以私茶出境者斬關隘不覺察者處極刑民間蓄茶不得過一月之用茶戶私鬻者籍其圈入官
洪武二十三年定茶易馬例上等馬每匹一百二十斤中等馬每匹七十斤下等馬每匹五十斤
洪武二十四年遣曹國公齋金牌往西番凡用茶五十

餘萬斤得馬一萬三千五百一十八匹 洪武三十年
令采甘肅斯藏長河西一帶西番依舊將馬出來換茶
仍出榜禁約通接西番經行關隘漏僻小路著都司差
撥官軍三四層嚴誼把守巡視但有將茶私出外境就
便拏解赴官治罪不許受則放過必須窮究何處官軍
地方放過治以重罪 永樂初年復命戶部嚴私茶禁
上懷柔遠夷遞增其數由是市馬者多而茶禁少弛
門茶馬司用關 五十斤止易馬七十匹勒限

買茶報中關

洪武私馬臨鞏馬暫許通賣


隆慶三年題准將四川課茶改徵折色解苑馬寺易
買種馬於蘭州招商中茶運赴甘肅茶馬司招陝西各
茶馬司中納官茶 又題准四川巴州通江南廣元四
州縣茶課節年拖欠未及徵者以後照例改折無分芽
葉每斤通徵銀一分八厘類解陝西鞏昌府財庫聽甘
肅巡撫衙門差官支取買馬騎操 隆慶四年議准以
後各茶司中馬除年例馬數外儘其調到番族好馬以

茶司見在茶窰通融招易毋拘定數以病商番又題
准將洮河西寧三茶司商人照舊令其開分完報於內
擇節年完茶之多者不拘名數各報甘州茶一引運主
蘭州責令稅課局官吏帶管經收就令管河臨洮府同
知監收盤驗查照三茶司事例開分貯庫立簿登報其
茶窰應該易馬者量助腳價遞運甘州茶司交割應該
給商者令本商運至西寧等茶司貨賣不苛越境隆
慶五年議准招商茶引定限一年完者厚賞二年量賞
三年免究四年間罪抽附茶一半入官五年間罪
附茶盡數入官不准再報六年老引照例問遣

四川茶馬

洪武二十一年禮部主事高惟善言天全六番招討司
八鄉宜悉免其徭役專令葦造烏茶運至巖州易番馬
比雅州易馬其利倍之且於打煎爐原出馬處相去甚
近而價增於彼番民歸市必衆巖州既置倉易馬則番

民運茶出境倍收其稅
其餘物貨至者必多



馬政紀卷十二